



玫瑰先生文集卷第四十

四明樓

鑰大防



丙制

明堂禮畢告謝天慶觀青詞

伏以祗祀合宮爰卜季秋之吉
靈承上帝聿臻熙事之成
丕擁神休實繁道蔭乃鳩
寂士俾演真科用伸告謝之誠
益茂方來之祉更祈洪造
普范函生

滿敬朱表

伏以肇祀總章獲全盛典
歲儀真宇用答靈休

荷雲馭之來臨南瓊章而具列受釐云始介福
之疆

明堂祀畢告謝五嶽四瀆祝文
伏以祗奉 慈謨親行大饗多儀既備景貺孔
昭實惟山川之靈陰相馨香之荐尚歆誠烟滋
介純禧

賜趙彥逾再上劄子辭免端明殿學士并執政恩數不允詔

勅具悉卿以起部大常伯領袖從班主耳忘身
與陪國論金陵吾之北門固以謀帥為重文明

之峻取政府之異數所以究卿之行今欲辭二
者而之鎮預豈若留卿以自近乎朕慮之甚審
久而後矣不意至此乃復及汗無以多言為也

賜新除安德崇信軍節度使伯圭辭免不允詔

勅具悉朕肇禋重屋懋弗克堪肩予盛儀賴我
宗老首頌祭澤忘加於達尊者乃因曰鎮益以
漢東之太國備三公之典策兼兩鎮之節旄先
止以為異數非如卿者其孰能當之何用撝謙
以避斯光

賜汝州仿禦使知閣門事韓侂胄辭
免轉兩官不允詔

勅具悉卿傳家累世歷事三朝既忠力之備
宣豈褒崇之可後乃請真祠之佚却而後來俾
登留務之華成以為允亟其承命毋用牢辭

明堂禮畢祭謝五嶽四海四瀆祝文
伏以肇祀合宮告成然事惟二儀祖宗之禮
皆已備修凡五嶽河海之神悉均望祭雖靈祠
之尚遠碩慶報之敢稽

明堂禮奏謝 諸陵表文

伏以嗣歷之初奉先為大通三歲當郊之際祇
荐饗章惟列至在天之靈俯垂陰佑至潔齋之
粗備悃誠悃之未字高厚碩歆神明未格既訖
成于熙事敢恭布于深衷遥望 陵宮不勝感
涕

瑞慶節建康府茅山崇禧觀啓建祝

壽道場青詞

伏以良月方中誕辰斯屆惟華陽之洞府素集真
仙瞻向曲之名山用祈景貺伏望三峯交會
寰聖溥臨即崇禧之宮俯款淨世授長生之錄

加惠眇躬上為介壽于重親下以均皇于四海

備散宋表

伏以騰嵩嶽萬歲之呼首臨誕日望金陵三茅之勝肅演貞科肆闡蘭場既歌菲荐願垂道蔭彌介大祺嘉與民編同躋壽域

賜新除少傅用必大辭免不允詔

勅具奏卿三朝元老身佩安危退處東山直欲棄置人間事願豈以爵秩為心哉朕初臨御注想不忘下詔乞言疏息進律六可以見朕意

矣覃需之頒無遠弗屆安有達尊如卿而可但已保傳一問不必固辭遜章甚力非朕所望

賜趙汝愚再辭免提奪編修因朝會

要不允詔

勅具悉卿進專固秉總領中職無所不統固志待于兼官也國家以史事為重故必擇其尤重者屬之上相疊異三徂既已再命而又欲辭其一何耶今要之書故實所萃諸儒載筆生總宏摹兼人之才豈復憚此其祗成渙以訖奏篇

安穆 安恭皇后改謚告 太廟祝

文

伏以仰惟 烈祖將祔太宮易別廟之旧稱從
成孝之尊謚先期以告英鑒其臨

大行至尊壽皇圣帝灵座祝文

伏以集百官於南郊首定稱天之謚奉 二后

於太室段從祔畜之名將奉盛儀敢伸昭告

賜提奉淮南東路常平茶鹽公事陳

捐之獎諭勅書

以常平司見在未表及收未
物剖分拈八日畢昭乘其二

勅云云：朕嗣服之始旱潦相仍宵旰具怀務

石
十

行實惠首形詔告所望部使者推廣上恩初不
以重費為憚也卿使淮堧益嘗以興水利茲又
能發其餘蓄上不仰給于大農不有以平八郡
之糶邊民被惠已廣而又將為後日之儲有臣
如此實寬碩憂載覽奏章良深嘉歎

賜伯圭再辭免兩鎮節度使不允批

答

省表具之朕惠于宗公務隆于体貌相予肆
可後于恩褒位已極于人臣官無加于師尹兼
授齋壇之鉞倍多井賦之租是曰尋章未為異

教儀刑所繫以為恭乎俯偃之恭再斯可矣

口宣

有勅卿位冠三公望高九族茲相合官之祀用
碩双節之華其服思榮母為謙避

賜吏部尚書鄭僑辭免兼字錄完修

摺不允詔

勅具悉 高宗中具臨御三紀一代之史簡冊
繁繁設官累年汗青無日朕既命大臣為之典
鉤思得鴻儒耆德為諸儒倡卿自陪都還朝表
儀從班論揆之重那卿誰屬矧惟旧物不待疇

召趣上奏篇毋勞謙避

瑞慶節滿教道場賜乳香口宣

三省

有勅應鍾協呂弥月在辰嘉尔臣工共祝金仙
之祐用敬芬馥以為宝所之華

樞密院

有勅先英在侯初度用臨有嘉宥府之矣同致
封人之祝載分宝篆用賁蘭場

殿前司

有勅良月斯臨誕辰方屆乃率周庠之衛共伸

嵩崑之呼爰錫名董用光法會

馬軍司

有勅律化孟冬慶逢初度得驩心于騎士祝眉
壽于朕躬愛帥旧章式放宝炷

步軍司

有勅祚纂紹熙節標瑞慶嘉尔能罷之士首開
龍象之延育以芬薌助其齋潔

瑞慶節万壽現滿散道場青詞

伏以躬履慶罔方席延供之運節臨良月初逢
震風之期爰即殊庭肅陳淨供惟虛皇之未格

俾誠意之潜通即冀重闡同綏万壽

滿散朱表

伏以蘭揚展采為初度而有祈室炬交輝睹灵
光之下烛奉盛以告已事而後願加佑于冲人
俾獲綏于繁祉

瑞慶節太一官設醮青詞

伏以誕彌厥月或標瑞慶之名立愛自親先上
壽東之祝啟竹宮之邃宇演瓊爰之真科仰冀
俯歆淨供俾遂承顏之樂益綿過曆之期

滿散朱表

伏以祥開初度肅羽士以陳儀壽祝重親望
龍樓而致禱貞游未下景貺具臻願與全人之
年坐膺天下之養

賜吏部侍郎彭龜年辭免兼侍讀詔
勅具悉朕聞迩英之閣瞻念逸之圖工慕唐虞
近法祖宗止有賴于啟沃之助卿以回季之
臣功諍多益升之進諫亦惟序迂朕方汲之于
季卿欲濟相遜固徑惟之美事也然雖有德
業之尊不曰朝廷莫如爵乎其毋固辭後稽朕
命

賜伯圭再辭免兩鎮節度使不允

斷未章批荅

省表具之朕尊先帝師惟恐不至優崇宗老尚
竊慊然故曰大饗之成曲示異恩之渥載加少
府之節復登上將之壇城南天下稀田臨樂土
漢東國為大併領名藩式慰具瞻益緩多祉
乞反汗之理奚事循墻之恭

口宣

有勅鄉德齒俱尊名位皆備欲傷三鄉之允遂
疏兼郡之思何必固辭亟減成渙

右丞相趙汝愚加食邑實封制

門下朕祇膺丕緒肇祀合宮賴天地之靈僕百
神而碩享爰祖宗之配綿萬世以承休惟時
大臣贊我矯禮肆頒祭澤敷告朝倫具官以寬
博而崇深裕和而肅括季造全矣之蘊才兼文
武之優有經濟四海之志而行之以忠有酬酢
万安之智而決之以果擢由樞筦進秉國鈞是
為社稷之元勳非止衣冠之盛事處心無競休
休多容物之仁守道不阿寒暑及匪躬之節予所
毗倚因共庶几頃卜仲辛恭修大饗上稽皇

祐之故典近遵慈極之宏摹致精三日之齋虔
奉几筵之制惟辟公之昱相厥有矣勞勩與事
之備成敬云專卿增多采芻併衍員畝以隆岩
石之瞻以壯維城之勢於戲載貂蟬而展乘固
宰路之所同被褻繡以待祠實宗盟之未有惟
親矣之並用于邦因以增光其服渙恩益圖治
績可

賜告口宣

有勅卿為時上相贊我盛儀是宜與邑之多用
見疇庸之渥其祇成畝母事謝辭

季秋淫雨震電罪已青躬 御筆

朕仰承付託嗣守邦圖夙夜靡遑惕有祗慄迺
季秋之月陰氣為殄兩淫不止繼之震電交不
虐致朕實懼焉罪已青躬其曷敢後可令季士
院疾速降詔布告中外

詔

勅門下朕臨御以來三閱月雖迺者澤水為災
歲旬尤甚悉意賑拯未知攸濟而又陰氣為殄
天作淫雨繼之震電信宿猶未已也時惟季秋
實已冬孟茲豈其時耶受不虐致朕甚懼焉豈

朕之德薄不足以承祖宗之休烈抑眇躬有過
朝政或闕而致欻然雲漢之詩過武而懼終篇
惟及靡神不卒靡愛斯牲等語益言如此而天
降之災罪必在我側身脩行之誠見于言外此
朕之所當勉也朕欲應天以實而方執 壽皇
之喪避殿撤樂皆乞以自見惟是罪已責躬其
曷敢後布告中外使知朕恐懼脩省之意

賜王蘭再辭免知潭州不允不得再
有陳請詔

勅具悉惟有周之監持以分陝為重任故矧旧

弼往鎮邊陲升社殿之隆名易昭澤之巨屏輿
言允協愛爾滋寬胡為再辭至勤三舍粵漢詔
流行之既久諒楚人候望之已深倚闕叱馭之
行毋執循墻之避

賜新除四川安撫制置使趙彥途辭

免不允詔

勅其悉蜀道險遠人所憚八一之謂甚其可再
乎然朝廷為官擇人不免于擁轂以遺忠臣忘
身殉國豈难于叱馭而行昔趙抃以匹馬入蜀
為政簡易及其再命神宗諭之曰近岁急自

政府復往者卿能為我行乎抃曰陛下有言即
法也願豈有例哉今朕知卿清節著于蜀遂用
熙寧故事卿能休休之忠其得辭行乎

文魏先生文集卷第四十一

鎬大防

不允詔疑誤以前題末行錄下

據別本作士商加繪邑是封制

第九行註字另一年有作

范雍容向無久稱風夜匪懈

門下朕嚴几筵之禮是曰肇禮逆三神之重若
蒙昭答餽惠所暨臣鄰斯均矧惟屬籍之尊可
後恩光之溥集廷邛而疑告示詔綽之匪私具
官某德性寬洪夙猷端粹量珪疊組生長富貴
之中邊節驛

仰春秋之益高實長周家之宗盟是為劉氏之

文選先生文集卷第四十一

四明樓

鑰大防

內制

不允詔

門下朕嚴几筵之禮是曰肇禮逆三神之重若
蒙昭答餽惠所暨臣鄰斯均矧惟屬籍之尊可
後恩光之渥集廷郅而疑告示詔綽之匪私具
官某德性寬洪風猷端粹董珪疊組生長富貴
之中邊節驛

仰春秋之益高實長周家之宗盟是為劉氏之

文選先生文集卷第四十一

祭酒茲崇宗祀與贊上儀冠班列于三孤遂儀
刑于九族乃加井賦仍修圭腹以來耆英以隆
孝治于戲祭有于倫之義莫如同姓之先備者
百順之名益介避齡之永願如壽後奚假訓辭
可

賜告口宣

有勅卿位冠孤鄉望高宗老既奉合宮之祀

加采邑之封雖曰彛章是為新渥

郭師禹加食邑實封制

門下朕祇事總章荷神祇之來格廣施惠衛普

中外以惟均願予元舅之親嘗與羣工之相肆
加異數明告周行具官某迪德忱恂飭躬謙請
祖后實為于同氣 壽皇尤篤于優恩淑旂緩
章全漫齋壇之鉞篆車希冕迫并棘位之班疏
三吳公社之封廩方壽祠庭之祿能辱膏梁之
習自忘圭組之崇比卜季秋親祠重屋茂對三
神之祖宜先四姓之矣用衍爰田載加貞食于
戲競之業以事上帝朕敢懷專鄉之私洞
屬之而存小心爾尚人方來之寵益昭吉履永
保脩名可

賜告口宣

有勅禮畢九筵恩均百辟賜予伯舅之昨均茲
宣室之重与邑既多頒倫可後

賀全國生辰使副梁摠戴勳到朝傳

宣持問并賜銀合茶藥口宣

有勅鄉等遠聘殊鄰旋歸近境念舟車之勞動
頒茗劑之珍芳仍命行人往將予意

金國吊祭使人赴朝口宣

盱眙軍傳宣按問賜御造

有勅鄉肅將使指來慰國哀眷入境之云初豈

肆筵之可後往宣予意以勞角勤

鎮江府賜銀合茶藥

有勅鄉等肅擁使華速將慰禮經鐵兔山川之
險錫出食茗劑之珍宜体眷怀用安旅次

鎮江府賜御造

有勅鄉等未趨素幄行次丹陽雖溪街恤之悲
不廢示慈之宴是謂厚意式宥行人

平江府賜御造

有勅鄉等遠送燕駟近及吳門溪嘉唁問之勤
宜備賓巡之渥其亦異眷益進耒程

賜新知鄂州吳琚辭免不允詔

勅具悉卿奮自戚闈被服儒雅雖齋壇授鉞棘
位通班人終以用未盡其才為言矧襄漢上游
崇騰善最武昌重地宜分頌憂何必固辭亟其
祇命

周必大加食邑實封制

門下朕嗣守邦圖肇修宗祀歿天母地祭既重
子令祛尊祖教宗祀尤嚴于並俯予一人
越梯以行事尔多士奉璋而侍祠眷旧弼以具
思碩慶條之可後誕敷渙号敷告昕廷具官某

簡重而閑深直方而膚敏典誥上規于姚姒詞

章遠軌于漢周弼亮西朝未完經綸之蘊鎮

安四海有懷康濟之功偃藩南國之雄均逸東

山之勝比以霈恩之渥升之亞傅之崇生想不

忘乞言方切屬伸大報爰啓合宮載謀載載惟

聖父嘗頌于先甲我將我享季秋乃上於仲辛

熙事既成藩重來介申衍多田之賦仍加真食

之封嗚呼明堂王者之堂方荷神休之眷二老

天下之老宜先祭澤之施尚迪遠猷永綏殊宥

可

賜告口宣

有勅卿嘗位冢司均休真館屬總章之後事賦
多邑以示恩其即欽承以祗眷渥

賜趙彥逾再辭免新除端明殿學士

中大夫四川安接制置使兼知成

都府不允不得再有陳請詔

勅具悉蜀道天下之絕險也然以為難則難于

上青天以為易則易于履平地是在人尔卿嘗

總軍餉調度五十餘州公廉明恕蜀人誦之茲

膺命以制閩之寄蜀父老閩鄉之耒必有不待

教而孚者矧視儀政地位望愈隆尤足以示朕

不忘遠之意謀帥之重益無以易卿者矣

賜趙汝愚辭免大札加食邑實封不

允詔

勅具悉朕祇事總章懼弗克堪卿以端揆實專

使領天地並貺神明顧歆熙事備成顯相之力

也賦以多邑具有故實既免吉廷之礼何事循

墻之避

金国吊祭使人赴闕口宣

赤岸賜酒果

有勅卿等遠將慰問來屆近郊先之旨酒之頒
增以嘉穀之錫少安次舍用恩勤勞

賜御筵

有勅卿等握節載馳越疆來吊將展國喪之禮
宜先郊勞之儀其休養私少休匿薄

賜被褥鈔銀

有勅卿等遠致奠儀久勞客路爰厚寢衣之賜

仍分盥器之珍跋履之餘托存加瑾

密賜大銀器

有勅使華既接吊禮斯勤宴已備于饗殮器仍

加于銀錢是為異渥少慰美勞

賜生餼

有勅卿等少安賓館既畢吊儀按聘禮以受瘞
命廩人而致簡諒均徒御咸休眷懷

賜內中酒果

有勅卿等禮謹吊喪退將即次頒酒穀于內府
示恩宥于來賓竟則有餘物惟俱稱

朝見訖歸朝賜御筵

有勅卿等慰此國哀見于喪次爰暫休于燕飾
用初秩于賓筵首示殊私嗣如好賜

就駟特賜衣服金帶銀篋衣箸

有勅卿等吊喪自遠率礼无遠器分山海之珍
衣有身章之寇雖云多品未及至怀

賜內中酒果

有勅卿等肅將使節未喧喪悼嘉有客之多儀
出尚方之珍品甘芳俱厚寇眷弥加

在駟特賜射弓酒果

有勅卿等既肅哀儀難修賓射耀輟庄皮之藝
仍加設醴之勤敬核俱頒情文尤厚

特賜射弓御筵

有勅卿等交鄰有道序賓以矣屬當變

仍飭初筵之賜穿楊何取折俎惟優

特賜射弓例物

有勅卿等慰予困恤厚乃賓儀名現射之未違
願匪頌之可後悉從常礼以表眷怀

朝辞訖歸駟賜酒果

有勅卿等吊哀事畢贈賻礼成將造車馬之帰
載厚壺返之錫其承嘉貺復啓長途

賜御筵

有勅卿等既趨素幄遂別彤墀礼不替于叔輿

恩更加于觴豆尚安旅次徐屆歸程

回吊祭國書

望祖上仙嘗馳赴問冲人嗣位方服通喪荷信
使之遠來辱吊儀之加厚益堅盟好弥切感怀
哀疚既深敷陳雅究

回賀登宝座國書

祇奉慈謨勉承丕祚比飭行人之告茲勤信使
之來儀物有加書函尤備既荷禮文之厚益攸
盟好之堅爰謹報章用陳謝悃

賀慶元元年正旦國書

祖武是鏡孝思方切勤使華之遠暨知盟好之
弥隆品物具陳情文俱稱比已騰于報瀆爰再
飭於行人仍致彝儀用將謝悃

賀慶元元年正旦國書

三陽攸慶方夙戒于行人万里交欢復遠勤于
信使惠以函書之厚加之篚幣之豐爰飭報章
備登謝臆惟益堅于世好冀均介于春祺

奉上孝宗皇帝謚冊室成穆

成恭皇后段謚冊室奏告天地社
稷十神太一祝文

伏以 壽皇即遠方定于尊稱 祖后俱從當
更於旧謚將慶宝册敬告神祇

奉 天慶現報恩光孝現青詞

伏以 仰惟 烈祖將祔太宮集百官于圓丘既
率稱天之礼迺 二后于别庙併陳更謚之儀
祇率旧章恭修淨供敢伸昭告仰冀洪休

賜新除刑部侍郎梁總辭免不允詔

勅具悉卿少習憲章歷官棘寺為郎為卿皆以
政選正以明練吏事心計有餘遂持使節遂董
軍餉擢武民曹俱號稱朕若今秋宮虛負捨卿

前

尚誰屬 耶明允篤誠若自道然万里使还经俾
為真僉曰汝諧何辭之有

賜具珉再辭免不允不得再有陳請

詔

勅具悉朕立矣 吾方惟才是用亦不必日古矣
而左戚也 尔尝主漕計總軍餉出帥襄陽皆有
治狀可紀而強仕之餘使之奉祠燕處可乎鄂
渚兵民雜居号稱堆治正倚才力勿復謙辭

賜王蘭辭免覃恩轉一官不允詔

勅具悉朕嗣位之初覃霈四方小大之臣罔不

均被卿以元樞旧德出鎮雄藩序進一階二惟
彝典忽被遊牘殊弗眷怀其服恩光母愛朕命

師變加食邑實封制

門下朕寅紹丕圖虔修大饗親惟伯友既有助
于多仪神介蕃皇詎敢云于專卿宜敷命綽用
皆折迓具官某履行粹和稟資端請生長神明
之胄源流詩礼之傳出分顧爰免民庸之甚茂
入趨班徽奉朝謁以尤恭建牙轟以承家視三
孤而命秩屬講摩禮之札遠備越紳之行再事
六官降登有度陪祠重屋显相无違庸推捧津

之優可後宗盟之懿爰加并賦併仍畬租茲謂
息穰式昭名教於歲奉犧牲梁盛而告幸炭布
政之官拓山川土田之封益示展親之美其祇
異渥以對灵娛可

賜告口宣吳瓌吳琚同

有勅祀成重屋賚及方方宜首及于懿親用申
加于多邑載攷明命其服殊恩

吳瓌加食邑實封制

門下朕禮卜季秋躬修大祀灵祇授職幸熙事
之備成多士在廷賴懿親之显相宜攷惠術敷

告羣工具官某謹畏自將純和名玷聯四姓小
侯之貴承 三朝外戚之恩入侍中宸屬囊鞬
而甚肅進班王闕飭冠佩以尤炭頃建齋壇退
安琳宇旋視孤卿之秩併開公社之封建歲禮
于几筵實均厘于可國乃增采邑仍衍至腴以
彰完數之優與表肅難之助於戲蒐工儀于湯
館豈惟黍稷之馨錫蕃祉于后家可後朕瞞之
賜尚縷告履以服彛章可

吳琬加食邑實封制

門下合宮肇祀實祇奉于慈謨宣室受厘爰大

頌于霈澤惟時懿感夙著矣稱庸奔徽章式享
漢号具官某美由世濟才在時須登筭筆持橐
之聯惟知避寵更握節擁麾之選不專為恩此
崇建于齋旋旋復加于孤棘逮茲大報贊我上
儀禮既備于八階昨惟優于四姓俾增多賦仍
衍其腴於戲文德以講明堂幸神祇之頌饗賀
慶以親異姓宜禘履之均霑維日邦彛尚承惠
渥可

蕭鵬巴加食邑安封制

門下奠圭瓚以荐誠既慶修于宗祀執豆邊而

在列且咸披于灵族眷我虎丘董兹羽衛厥有
渙恩之錫式彰显相之劳具官某智略雅深性
賢沉鷲望雲就日夙肩面内之誠建旒設旄躬
致總我之拜秦貞祠而均佚視左輔以疏榮乃
因霈澤之行增不爰田之賦申如貞食用修神
休嗚呼不異眷于三朝蓋屢覲弥文之盛敷
大賚于四海頌可乞完數之優益緩令國以保
終吉可

郭果加食邑實封制
以采朕頃用盛秋虔修宗祀奉犧牲以荐備陳

重屋之儀賴爪牙之良肅領千庠之衛既云竣
事可後均肇我有明倫告于列位其官某生資
沉毅世濟忠勤氣稟山西期遠追于起翦書傳
起上自有合于孫吳久專將聞之雄入侍殿爨
之遠屬祇孝饗務罄齋誠奉璋惟多士之矣執
戟有元戎之重津疇采邑仍啓侯封以介灵林
以軫異渥嗚呼茅簷蒿柱朕方躬大祀之慶玉
節瑠瓊尔尚休中叔之寄益悲忠報欠答殊知
可

賜告口宣 蕭鸛巴同

有勅礼乘重屋 泽及羣工 錫多邑于岩 除啟新
封于僕甸 蕭改春我勤 臣曠茲多賦 其祇明命 益勵忠猷

太上皇帝本命方寿 現設醮青詞

伏以離德继明 方極慈闈之养 日官告曆 載遵
辰次之周 啓純福之殊 庭演虛皇之妙 旨寬旌
来下宝炬 交輝 頌申冥冀 之期長 謹晨昏之卷

蒲散朱来

伏以世辰燕慶 高蹈于希夷 藥館陳仪 用祈于
寿嘏 純誠上達 灵鑒具孚 冀福祿之来 崇致庭
闈之同慶

侍講陳博良朱熹宣赴任筵供職曲

謝宣荅詞

有制朕務明政 辭首闕經 惟嘉旧季之来 歸喜
耆儒之同集 其思忠告 以副曠咨

初講畢 案前致詞 降殿曲謝

陳博良

有制首領 召命渴想 忠猷 聳聞講貫之詳 恍若
從游之旧 克諧朕志 益啓乃心

朱熹

有制久聞高誼 傾仰嘉猷 来侍通英之游 講明

大至之道庶幾于治深慰予懷

孝宗皇帝謚号下日改換銘旌奏告

祝文

伏以 烈祖在天南邦定謚既遵節惠之典載

飭神明之旌仰惟威靈俯鑒誠恪

孝宗皇帝攢宮神園除去鋪屋窠木

等奏告 昭慈聖獻皇后 永祐

永思陵祝文

伏以 皇祖上僊期方臨於七月稽山危役炮

突迄於 諸陵暫撤徽扃稍開宰木懼有驚於

神御敬先叩于威靈仰冀浩慈俯加阴佑

賜周必大再辭免少傅不允不得再

有陳請詔

勅具悉朕勉紹丕圖方修初政首推需澤溥及

羣下惟予元老之矣宜涉孤卿之秩偃息而屬

魏室何又在廷寅亮而命周官是為進律載規

未養殊弗眷懷早於公尊于卿亦惟均耳一而

俯再而偃何以多為茲繫具瞻世庸固避

賜架物辭免奉使同程特轉一官不

允詔

勅具悉卿輟自泛班遠使鄰國服勞已甚成礼
兩还序進文階厥有舊典往祗渙命何事謙辭
賜知明州何澹辭免曾任蕃邸講官

轉一官不允詔

勅具悉卿頃以儒英授經於朕逮予嗣服眷注
不忘求之自比旨進而秩旧障避俯徇其請
在卿天何辭焉且遂欽承母至子再

金困吊祭人使回望云宣

賜龍鳳茶并金鍍銀合

有勅遠修傾問茲遂旋歸茶分北苑之珍器備

南金之飾是為要渥用慰遐征

赤岸賜酒果

有勅卿等迭旆初出郊于迈加六完六送之

饋致三辭三揖之勤式慰爾歸用將予意

賜御筵

有勅卿等成礼云歸啓途夫遠意方勤于鄉送
恩宜祝于賓初既厚眷私益堅信睦

平江府賜御筵

有勅卿等吊儀既備使事言旋行已次於蘓臺
恩仍顧于鎬燕礼更加厚容踏具宜

詔賜使副冬至節循

有勅使且北歸日方南至載命脩途之役俾加厚弊之時其服恩崇高寬旅思

讀祭文官

有勅卿遠陪膚使歸遇新傷戾須束帛之温以助重喪之懊益昭眷渥庸慰吳勞

三即人後

有勅長至徂時遠歸在道言念禦守之具特加實匪之珍資賜有差恩私全異

鎮江府賜御筵

有勅卿等來修慰禮既畢使儀望北勤以還轅至南徐而憇節庸加燕御其悉眷私

盱眙軍賜御筵

有勅卿等來成使禮歸次边疆更加宴豆之勤不替權輿之旧其承眷禮遂戒征途

改媿先生文集卷第四十二

內劄

四明樓

鑄大防

孝宗皇帝祔廟修製祐室 太廟殿
宇廊廡權人安 祖宗神主於初
獻廳時前奏告祝文

伏以仰尊 烈祖將祔太宮奉二代之宗祧飾
累朝之祐室暫遷 神主敢告威靈
權奉安 神主祝文

伏以崇飾大宮奉遷 神主少寓齋居之邃以

須禘室之成敢冀憑依用伸虔告

祭祀 太廟土地祝文

伏以修崇清廟升祀 孝宗念斤斧之交興懼
神示之或從年敢見昭告願祖多儀

閣仲續康伯修奉 攢官俾宣禱問

并賜銀合茶藥及唱賜一行官吏

工匠等攝設口宣

有勅卿等視後 山陵宣勤夙夜勞風寒之戾

薄頌若劑之珍芳好賜有差王徒無怠

孝宗皇帝梓宮發引祝文

啓攢

伏以 阜陵 既飾靈駕將行遂從高寤之藏或

啓高極之殯攀號何及昭告宜先

前夕日 初昏奏告

伏以窳窳有期念終天之永訣靈輿即遠痛詰

且之將行凜惜分阴深增孺慕

發引時前祭告

伏以六紼有行九京寢遠追念抱孫之憂阻伸

臨穴之勤少睦須臾不勝哀頌

啓尊行礼

伏以於穆孝宗將趨神穴爰誦毅且肅引靈
輶顧挽紼以唯當遂遵途而即遠音容愈邈慟
哭何堪

祖奠行礼

伏以於陵宮既備愴我祖之何之紼羽啓行
痛仙游之不及御龍輶而永訣駕鯨浪以遂惠
祖祭是修哀號愈切

下皇堂時前奏告

伏以於皇文祖將就紫塗愴亦闕於衣冠痛
莫親於几域式安玉斝絕望天顏

掩攢畢迎奉

御容詣下宮奉安

伏以明明我祖奉窀穸以既安雖雖在宮痛
威容之愈邈天顏惟肖神宇具依不勝追遠之
悲敢致安靈之告

孝宗皇帝梓宮發引奏告天地社稷

太庙别庙太一宮祝文

伏以烈祖上賓阜陵告備茲啓最塗之旧
將趨北域之藏敢告先期仰祈陰佑

天慶親報恩光孝親青詞

伏以嗟嗟烈祖遽臨同執之期浩浩昊天實

相曰山之役廼消穀且將啓萊塗仰叩高真預
伸昭告伏願俯垂俯賜保遂安寧幾闕六維之
德惟即九京之吉吉吉出陳師保衛
伏以奉 皇祖之嚴靈於靈臺大寧道 累朝之
兆域敢告感靈未遑洛邑之歸尚奉今務之齊
仰祈聖佑咸遂善安

伏以 重華 聖在可勝遠 濟長 奉南 齋在

八重感時之慕乃開前殿肆展大齋伏願功濟無
此边神超有載冀慈悲之明證普垂隱以均霑万
因歸仁願向資於佛力九天垂祐期亦固於邦

圖

賜知泰州韓同卿辭免改授正任現

賜知泰州韓同卿辭免改授正任現

勒具悉朕勉承不祚肇正中宮爾為后父之親
名自淮壖之守春惟相種本出儒門屬王姬下
嫁之見教武爵流傳之表茲優歲開超授康車
俾仍奉於內祠益一遵於故典是為允惟其又

美辭

報登宝座使嗣鄭漫范仲王到闕傳

宣撫問并賜銀合茶菓口宣

有勅卿等握節言旋及門伊通厚并削琬芳之

賜勞川途跋履之勒庸序南情因將子意

皇帝本命萬壽現青詞

伏以至朔同日方遇新旧之亨支干相生入逢

元命之吉乃蠲琳宇大啓琅函恭願高貞俯矜

忱悃西宮同慶奉萬歲之玉卮兆姓均歡開

八荒之壽域

滿散朱表

伏以我生之辰卜云其言適際履長之慶又當

告朔之初肅演員科津陳淨但冀垂昭鑒式介

蕃禧

孝宗皇帝虞主自浙江還 重華宮

鼓吹導引曲道宮

孝宗純孝前至更向加高蹈處重華丹成仙去

龍輔遠越岸暮山遐波巨先為捲寒沙來往護

靈樞九虞祀奉神祇樂万世佑皇家

孝宗皇帝神主自 重華宮至太廟

祔廟鼓次導引曲

吾皇盡孝宗廟務崇尊鉅典備彌文觀 東向

開基主七世祔 神孫追思几闡整乾坤寰宇

慕洪恩從今密通 高宗室千載事如存

孝宗皇帝虞祭畢率器行祭禮祝文

伏以阜陵復土既修易奠之虞班禱有期遂率

無 之哭仰遵禮典莫究哀悼

孝宗皇帝神主祔廟并 成禮 成

恭皇后神主用時祔 謁升祔卷告

祖宗帝后祝文

伏以設事 阜陵既畢九虞之祭寧神祐室實

同 二后之升 祖宗是依昭穆以序寔循禮

典敢告威靈

賜觀文殿孝士致仕李彥穎銀合茶

藥詔

勅集服祗紹丕圖緬懷故老鄉 前朝旧德佑

我 烈祖遺榮告歸世推典刑比進嘉言尤見

忠蓋一水間之日勞注想爰頒欵劑以實室奮

問勞有加將予至意

賜龍圖閣孝士致仕程太昌張大經

敷文閣直學士致仕汪大猷顯謨

閣待制致仕程叔建室文閣待制

致仕沈樞敷文閣侍制致仕李昌

圖銀合茶藥詔

勅其朕寤寐去後懷思老成仰頃侍 孝宗夙

著聲望別經告老 張大任段聖車告老 世推典刑遠予纂承

渴於一見爰加問勞仍有匪頒體予至懷無忘

忠告

賜銀合臘藥勅書

荆湖南路安撫使王蘭

勅其卿西樞故老南國元候念茲歲發之辰賜

以壽珍之劑辭予至意勉爾社稷

四川安撫制軍使趙彥逾

勅其卿視像兩地出鎮四川錫品劑之奇珍慰

風寒之厚薄益厚頤養用寬顧憂

主管侍衛馬軍行司張師顏

勅其卿肅鎮騎兵分屯江國效室倉之珍劑慰

玉懷之疑寒甚辭卷懷益思忠蓋

御前諸軍都統制闞世雄皇甫斌

張詒趙厥劉忠劉震

勅某等肅提禁旅列戍藩方念久處於轅門俾
匪頒於倉劑母之例奏其服恩綸

御前諸軍副都統制馮健張國珍
世輔李世廣王宗廉王知新

勅某等卿遠臨升戍密贊中權念營壘之嚴寒

錫禁庭之上藥尚思奮厉以答恩私

金國賀登宝位使人赴闕口宣

盱眙軍傳宣撫問賜御筵

有勅卿等持礼遠來入疆伊始念川途之匪薄

加燕勞之優隆役御少休賓儀無爽

鎮江府賜銀合茶藥

有勅卿等來擁使華遠申盟好念車之勞役

頒若劑之珍芳爰飾宝奩以迎玉節

賜御筵

有勅踐作雲初親仁是務肅使華於近鎮謹賓
礼於初筵益屆來程以承眷渥

平江府賜御筵

有勅卿等連持賀礼宗次輔邦再加燕衍之私
庸示眷存之握少休跋履且慰勤勞

赤岸賜酒果
有勅卿等來以郊闈肅將賀禮寵以上尊之賜
加之碩果之珍式佇來時以堅信好

賜御筵

有勅初御丕圖遠勤信使既次郊闈之近載加
燕豆之優其辭春秋以承虛佇

賜資政殿文學士黃洽辭免覃恩轉

一官不允詔

勅具悉朕踐祚之初訪予蒞止緬懷旧弼嘗下
求言之詒矣乃周覃霈俾進文階固有彛章非

龍特轉一官不允詔

勅具悉烈祖上賓孝思日切仰威實之如在
率禮不違念攀附之幾人獨汝先恙爰自廣車
之秩特升留務之班其服異恩寧容及訐

春分前修飾攢官奏吉諸陵祝

又

伏以歲序流易春陽正中既當雨露之濡益愴
官陵之念結修惟謹種藝以時敢告先期尚祈
昭格

賜參知政事京鏜辭免 孝宗祈廟

畢特轉一官不允詔

勅具悉朕尊奉皇祖無所不致其厚而送終之礼祔廟尤嚴卿以輔臣相此盛儀已事而後可後褒賞進以一秩誠不為過賞有先後既已均及卿可独辞乎

太上皇帝本命太一官設醮青詞

伏以鳳曆紀年方協仲春之序龍樓教養載臨元命之辰啓崇福之殊庭修朝真之淨供靈光下地景既來臻高視希夷頓行万年之慶恪共温清益嚴五日之朝

有私於卿也其服制詞母煩多避

賜周天大再辞免少傳不允不待再

有陳請款

勅具悉朕嗣膺洪祚注想宗比陞孤棘之班實

需簪蕭之澤維云恩厚非曰予私凡卿之言

近已行於一二顧朕所与辞何至於再三若夫

他爵之科尤匪尊矣之意尚承眷渥毋事劳謙

金国賀正使人赴闕口宣

盱眙軍傳宣撫同賜御筵

有勅卿等遠將聘礼来賀歲凡既加毫勞之勤

首示卑遠之渥其祇春意益謹賓儀

鎮江府賜銀合茶菓

有勅玉節方來宝奩是錫取雪芽於北苑較珍
劑於尚方併寵行人用昭春意

賜御筵

有勅卿等遠持華節近次朱方行登象日之戒
重錫需雲之宴益加盛禮庸示春秋

平江府賜御筵

有勅履端之始修聘甚勤行既次於近藩礼宜
加於載燕是為異渥其服多儀

赤岸賜酒果

有勅卿等遠從万里來賀三朝望現闕以非遙
賜壺還而加腆尚承春渥以締欢盟

賜御筵

有勅履端之始將命以來既聞畿甸之登宜厚
賓筵之錫眷私所逮使介惟均

賜使副春幡勝

有勅綵狀土牛方奔春郊之礼室幡金勝爰加
使客之恩和氣所鍾欢盟益厚

賜三節人從春幡勝

有勅礼嚴修好時重履端愛加厚於使華乃分
頒於節物係雖辨等意則均優

朝見畢歸駟賜酒果

有勅卿等既觀軒墀歸安次舍俾厚壺邊之賜
少休車馬之勞毋曰彝章實維至意

賜生餼

有勅卿等進講賀係退休賓館既設豆迨之滌
仍加養餼之頒尚斝眷懷以頌異敷

賜內中酒果

有勅卿等來趨日止茲遇歲餘出御府之甘芳

助駟庭之宴集益修賓礼用介春祺

賜被褥鈔銀

有勅卿等來趨元日特親大所爰加賜於寢衣
仍介頒於盥器用安旅次以示恩私

八賀畢就駟賜酒果

有勅歲律更新使輶遠暨酒致屠蘇之勝盤隨
辨報之芳均受春陽益增和氣

玉律因射子賜御筵

有勅為開禁衛用設射候既現舍矢之去爰錫
在公之燕有發又中不醉無歸

有勅卿等甫辟殿幄尚憇賓郵載為川陸之行
更厚壺通之錫益祗眷渥以示初終

賜大銀器

有勅卿等既成聘禮將返歸裝迺頒付器之豐
皆用五余之次是為異渥式勅遐征

回程賜御送

有勅卿等成禮言歸登途欲遠仍特頒於載燕
曾不替於初筵春日尚寒賓僚加厚

孝宗皇帝祔廟樂章

聖人之德無加於孝思皇一孝宗履行立教始
終純誠非曰笑貌於万斯年是則是傲

太廟修置

太祖至

高宗室

帝

后神主祔室畢工時前奏告還殿

室祝文

伏以班祔

孝宗崇新清廟備

累朝之祔室

奉列聖之神靈敬告先期冀垂昭格

還殿正奉安祝文

伏以 阜陵後事太室鳩工爰歲禮於宮廷用
妥靈於宗祏以享以祝耒寧

孝宗皇帝祔廟時前告遷 成穆

成恭皇后神王詣幄次權行奉安

以俟同時祔謁并祔祝文

伏以 阜陵後事奉神土以即安宗祐致嚴安

柔靈而益祔禱遷遂幄將奠太宮惟時之良敢

預以告

太上皇帝本命太一宮設醮青詞

伏以龍棲致養方安開燕之居鳳磨告辰仰獻

壽康之祝啓青藜之秘宇演瓊爰之珠科敢冀

高靈俯歆誠意益介万年之慶恪遵五日之朝

滿散未表

伏以 婦尊於 父適逢元命之辰降康自天爰

致脩齡之祝春阳伊迩熙事告成祈景貺之來

臻鞏皇圖於不拔

賜接伴使副春幡勝口宣

有勅卿等往迎使輅還趨行闕值陽和之屆律

加好賜之如儀其服殊私益祗厥事

孝宗皇帝神主祔廟前二日奏告

文

天地

伏以尊祖禮嚴日山事畢用宏開於宗祫將
升祔於靈儀信宿之光潔齋以告仰祈昭鑒永
賴享休

宗廟

伏以於皇文祖既畢九虞爰考禮於前朝益
要靈於太室仰瞻列聖敢告先期其永無疆
克昌厥後

別廟

伏以惟我孝宗將登清廟設九虞而既畢奉
二后以同升永世是承前期敢告

太社太稷

伏以永阜訖功孝宗升祔惟億載萬年之
鉅典告九土五穀之明神願鑒先期式垂享佑

太一宮

伏以烈祖上賓大宮引柎因之大事其敢弗
虔天之尊是當先告冀垂昭格用安威靈

天慶觀報恩光孝觀青詞

伏以阜陵復土既畢於九虞太室寧神將傳
於万世是為重事方講盛儀永惟尊祖之誠追
述敬天之先前期是告降鑒孔昭

改元慶元奏告 昭慈聖獻皇后

永祐陵 永恩陵 永阜陵 成

穆 成恭皇后攢宮表文

伏以仰奉 慈謨勉承丕祚將與嗣歲首議嘉

名惟慶曆最為盛時而元祐尤伸公道履端伊

通敷号云初敢告威靈式祈孚佑

賜殿前都指揮使郭果辭免修蓋大

內福寧殿等特轉一官減三年磨

勘同授不允詔

勅具悉朕俯徇羣臣之請歸安廣內之居顧棟

字之崇成命工徒之勞正鄉親臨磬鼓祇事殿

巖訖役云初懋官可後說有貶息之命毋煩避

寵之詞

金国賀登宝位使人到闕口宣

賜被褥鈔銀

有勅鄉等肅將使指來賀君臨式頒盥洗之珍

仍致衾茵之麗用安次舍其服恩私

賜使副春幡勝

有勅卿等遠修邦好適遇春阳爰加節物之頒

庸示使華之寵尚祗渙渥益締欢盟

賜接伴使副春幡勝

有勅御等近客于畿還朝有日當明親春之始
特加好賜之優其體春私益修使事

賜三節人從春幡勝

有勅春起於東使來自北牽綵杖王年之禮頒
宜幡金勝之華儀則有善思無所異

朝見畢歸駟賜御筵

有勅卿等來致賀儀歸安賓館念川途之勞勤
設樽俎之優隆庸示春勤少休跋履

賜酒果

有勅卿等抵去修聘時弊成儀爰加芳醞之頒
仍厚嘉穀之錫少休後御以俟賓筵

密賜大銀器

有勅卿等陳儀既備執礼滋勤欲深示於情文
爰密頒於用器非金之貴惟意之特

賜內中酒果

有勅卿等來修邦好克謹賓儀分御府之甘芳
示使軺之華寵雖云例卷益出珠恩

賜生餽

有勅卿等既謹朝儀退安賓次俾厚人之致饒

冀使者之加餐異數相望春懷增厚

特賜御筵

有勅卿等趨朝甚謹授館方安修客禮以無違
秩資延而有楚用將予意庸慰爾勤

特賜酒果

有勅卿等進謹朝儀退安賓館賚此壺尊之饌
加之肴核之珍蓋亦殊私尚承好賜

玉津園躬弓賜酒果

有勅卿等肅駕使輅共修賓射諒慰四方之志
想閔百祭之能爰錫甘芳少休勞動

賜射弓劍物

有勅卿等講射室肆視儀相圃爰首頒於弧矢
仍加賜於金增張弛具宜息私愈渥

朝辭畢賜酒果

有勅卿等禮成無闕事畢言旋錫列麇之芳醴
泊加送之珍果少休賚馭行屆歸途

賜御筵

有勅卿等屢勤入觀為遂告歸更加遵豆之優
不替權輿之始尚祇燕禮徐戒行裝

特賜銀

有勅卿等備成使事俱趣歸程特頒山海之珍
用助星馳之役母云故事蓋示優恩

回程亦岸賜酒果

有勅卿等已祇聘禮初計歸程迺馳賜於一尊
仍分頒於傾果少安旅次徐屆征途

賜御筵

有勅卿等持禮言還戒途伊始爰啓在公之燕
用華修聘之帛既執實筵遂登客路

賜龍鳳茶金鍍銀合

有勅卿等印好既修回途未遠珍茗選春芽之

賜宝奩分山海之餘是日殊恩用將厚意

平江府賜御筵

有勅卿等賀札既周帛程復遠用即蘇臺之近
載修鎬燕之儀益向長途毋忘厚意

鎮江府賜御筵

有勅卿等遠秉致慶修遂言旋念北客之改轍
即南徐而錫爵眷私無替禮貌深修

盱眙軍賜御筵

有勅卿等來持慶禮回次邊疆欲歸好於兩
朝復陳儀於四筵行當上道更祝加餐

賜知樞密院事陳駿乞歸休不允詔
勅具若卿儒孝老成有大臣辭津股纂服方厚
倚毗何為露章遽祈閑退謀猷克壯神明未衰
其謹輔予無事力請

皇帝本命万壽現設醮青詞
伏以嗣位踰年方更歲紀之号履瑞翼日適遇
我生之辰爰即琳宮式陳宝供如翼高靈之重
今多福於方来上寿三官長遂承顏之樂均
厘万宇咸與擊壤之詠

篇散末表

伏以發春之初維戊之告方上拊觴之慶繼陳
瓊及之科荷真馭之溥臨喜休祥之来下既成
熙事敢薦忱衷

改元奏告祝文

天地現靈宮天慶
報恩現同

伏以鑽儲何堪改元惟謹稽
仁祖致平之盛
須秦陵嗣德之初合取嘉名用綿丕祚取仲
昭告仰冀享休

宗廟

是靈宮帝后
諸陵表又同

伏以承列聖之休謹踰年之制合太宗明皇

之号有唐实創於嘉名仰慶曆元祐之時我宋
尤稱於盛際爰肇新於歲紀敢虔告於威靈

社稷

伏以嗣位承休踰年改号取慶曆元祐之盛期
後重規仰勾龍后稷之神用伸昭告尚祈靈佑
益介災圖

太一宮

伏以副曆之初紀年敢後合
西朝之盛爰号
慶元告十神之靈用祈福佑尚惟昭鑒永助丕
基

金国賀正旦使人到闕回程口宣

賜龍鳳茶金鍍銀合

有勅卿等將命言旋登途寢遠歸室食而加悉
實珍羞以分頒深示恩私式安行役

平江府賜御筵

有勅卿等來賀履端更勤歸報存錫具門之宴
用津燕駟之行春日尚寒征途加護

鎮江府賜御筵

有勅肅持玉節還次丹阳仍優宴豆之儀用慰
川途之後其均既醉毋悼遙驅

盱眙軍錫御筵

有勅卿等遠賀元正况修使事爰俾筵於邊服
將夙駕於歸途春札之私始終無異

賜新除知樞密院事余瑞孔辭免不

允詔

勅具悉朕惟宥廷之任事辭至嚴非長材不可
以濟時非壯猶不可以經遠卿兼資文武久積
樞機輔政以來輸忠無隱報自中臺之式進專
西府之權蔽自朕心益臨兵本是為妙選非以
叙遷公論具享遊章可瞻

在於廟堂尚究遠圖以祗寵命朕志决矣物復
有辭

宣

有勅卿精白承休勤勞匪懈爰自政塗之浚載
登宥府之崇成命既行牢辭勿再

賜京鏜再辭免參知政事不允仍祈

來章批荅

省表具之本兵之任方倚於壯猶共政之求更
資於夾輔朕圖回治道選用柄臣眷一相之虞
中有嘉同德惟万幾之甚衆允藉協恭卿之長

才眩所深識奏陳剴切割決精明進奉嚴敬之
嚴益冀詩謨之告既頌再命母事三辭
口宣

有勅鄉召歸全蜀旋貳洪樞茲膺共政之圖實
倚告猶之益何勞謙避其遂欽承

賜鄭僑再辭免同知樞密院事不允
仍浙來章批荅

省表具之朕惟孝宣樞机周密用以中興治道
於今本兵之地尤号才唯卿以魁碩之才為士
夫儀表踐揚最久望實具矣茲為登用朕非以

私於卿所以尊朝廷也朕方庶幾孝宣之次卿
志在辭因其遂秉德以陪朕顏豈以執謙為美
乎

口宣

有勅卿屢分帥聞三總吏銓為進式於機廷方
之符於輿論亟其祗命何必因辭

賜宜州觀察使新除在京官現韓侂

胄辭免特轉一官不允詔

勅具悉卿起由勳闕歷事累朝司上閣之多
儀承西樞之密旨皆極武班之選屢祈珍館之

聞既察其誠俯從爾請爰寵加於留務乃更上
於雲章其服恩榮毋為煩瀆

賜新除資政殿大學士陳騏辭免不

乞詔

勅具悉卿器資剛毅經術該通久任事樞臨机
輒斷力祈閑退善始以終况辭藩屏之除領處
祠庭之秩由秉有反請汗無嫌若規殿之隆名
永大臣之彝典再披遜牘殊弗眷懷門榮買臣
衣錦之歸母作孝父循堵之避

孝宗相廟德音

賜新除參知政事京鏗辭免不乞詔

勅具悉卿以通敏闊達之才受知烈祖擢之
法從付以全蜀太上召還又昌有意大用肆
朕慕服登貳西樞闕缺籌惟動稱朕意是用進
參机政究經濟之蘊鎮淳應變卿所優為眷倚
方深毋庸多遜

賜新除同知樞密院事鄭僑辭免不乞

詔

勅具悉卿久儀禁路人望最高重上政途詳試
帥間天官之長至勤三入西樞為二益已晚矣

朕訪落求助二三大臣是託以卿宏才素蘊練
達國體急於登用以冀治功其祇成命以圖回
本兵之務勿以謙避為煩也

賜正議大夫陳揆辭免除職与郡不

允詔

勅具悉朕惟釋改机而均逸者天臣全進退之
宜昇革職以示寵者果朝篤始終之眷矧惟
耆哲朕所倚毗專西樞本兵之權兼東府基命
之地俯徇忱請暫分外藩息札加復典章可考
少頂除命何用謙辭

賜王蘭再諱免覃恩轉一官不允不
得再有陳請詔

勅具悉朕勉承基緒猶懼弗堪實賴臣鄰相与
協濟不有近輔孰為之贊襄不有介藩孰為之
屏翰需思所連中外惟均矧如旧弼之矣方侍
上游之重需章游至渙号唯回其遂欽承母為
固避

賜御史中丞謝深甫辭免兼侍讀不

允詔

勅具悉進讀露門自昔高選肆朕纂承之始首

務詳延妙律法從之矣不以輕昇以卿器資端
亮季開淹該議論正平實長風憲侍經幢士
莫之先胡為引辭尚留朕命令行弗反倚聽嘉
猷

賜余瑞札再辭免知樞密院不允仍
斷來章批荅

省表具之卿自選本兵積陰時望有致君澤民
之志有憂邊思職之勤造參政幾又嘗共二其
於基命宥密之地詳練久矣茲疇樞長非卿誰
屬大本疆則精神折衝制千里之勝者其孰實

門下朕躬繩祖武日懋孝思万邦之君允有
貽孫之典七月而英遠當同軌之期長莫披於
皇慈惟謹棄於大事卜夏禹巡狩之地迨高
廟衣冠之藏載謀載惟既營神域又誠又信已
定靈輿迓吉伏以言旋肅太宮而班祔得儀之
備旧制可稽固已遵三年之通喪辭累朝之
信德蠲除浮費戒節虛文然念遺誥知頒都下
有奔号之優回山之際因人多從憶之勤未免
煩會稽之後宜時埽樛之赦神祇效順咸議
恩封官吏宣勞均行賞賚寬井闈之賦調清罔

國之懷因庸推澤物之仁用繼愛民之志於戲
蒼梧不及人心惟慕於重華溫洛未歸陵邑
尚安於永阜洛爾有宸服子異恩

郭師禹時授少師封永寧郡土加食

邑實封制

門下朕慕

上皇之丕緒承

烈祖之通喪復

上昔功既克襄於大事提綱置使實有賴於懿
親爰播明綸肆加殊寵具官某小心自牧吉德
著聞香席慶於掛閣寢陛華於棘位恂家法
靡於金穴之屠侏朝班久遂琳宮之適茲卜

會稽之麓往嘗永阜之陵靈駕徐驅飭厥儀
而肅靖重臣主辦沆闔寢之固安粵惟元旧之
崇可忘醲賞之報絜勞之彌匪朕敢私褻服命
圭顯冠孤卿之秩金印盤緩進封異姓之王仍
旌鉞於東秦徹土疆於南晉申階并賦併修轅
疇以昭百姓之華以爲三朝之眷於戲節侯
仕漢得謹畏謙恭之聲尚父在唐有富貴繁衍
之盛宜某苗裔見此親矣其踵前人之休以爲
密感之勸可

賜告口宣

有勅 阜陵送土元舅策勲既升冠於孤鄉仍
疏封於王爵其祗渙渥毋事謙辭

改魏先生文集卷四十二終

攻媿先生文集卷第四十三

四明樓

鑰大防

內制

上辛祀感生帝以太祖升俯奏告

祝文

天地

伏以祀感生之帝盖已有年侑創業之君始從
今日敢伸昭告仰冀享休

宗廟

伏以推功藝祖既居東向之尊升侑感生茲

謹上辛之祀仰瞻列聖預告先期

社稷

伏以獻太微之精風祗大祀推 藝祖之烈升
侑明神惟社稷之炳靈設豆籩而致告

諸陵諸贊官表文

伏以上辛穀旦大旅盛儀爰推登極之功克配
感生之祖遙瞻 陵域敢告吉期事體至嚴威

靈斯鑒

賜新除戶部侍郎袁詵及辭免不允

詔

勅具悉朕曹天下之劇任也而卿為之之時尤
唯向來國家多故事緒浩穰經費之外又增不
時之項屬歲大稔調度不給卿儒孝後茂旧歷
清華通敏有餘独任大計內之無關供之急外
之無誅求之愁滿歲有奇勞亦甚矣為員已晚
又何辭焉

賜新除少師永寧郡王郭師禹辭免

不允詔

勅具悉 阜陵之後重事也朕不特躬執紼之
勞祖遠有行號慕弗已卿以王之元旧國之信

臣辨護宣勤為朕任送終之責往來順濟上下
無諱禮備安虞歸附太室卿得以報孝宗之
恩朕可志所以賜卿者哉進長孤棘仍加王爵
既渙昔廷之命何煩避寵之詞亟其欽承朕言
不再

禋祖 順祖 翼祖 宣祖 述 殷

奉安祝文

伏以新廟是營羣言允協爰卜太宮之右用安
四祖之靈敢冀威神式歆典祀
奏告太廟祝文

伏以肇舉盛儀宏開別廟祧
夾室以允嚴遷 順翼之靈 附先公而惟謹仰
祈列聖俯鑒忱衷

賜郭師禹再辭免少師不允批荅

省表具之朕惟三孤之貴卑於公尊於卿異姓
之王直以茅胙以土皆本朝之所重非懿戚
而誰居以卿德量有餘忠誠匪懈受隆知於
烈祖不專為恩護大事於阜陵克勤乃職迨
茲歸報可復褒嘉既敷號以明揚雖循墻而安
避毋為苛禮徒拂眷懷

宣
卷

有勅位尊三少爵重異王用酬使領之勞已播
廷揚之命荐披遜牘具服殊恩

皇伯祖太師嗣秀王伯圭特授兼中

書令加食邑實封制 十一月二十八日

門下朕祗紹炎圖通繩祖武追仰抱孫之愛
謹奉前塗實繫同氣之矣式專使領克襄大事
悉按旧章昭示殊褒用孚羣聽具官某朕体皇
極正位泰階直大以方厚載辭坤文之二爵齒
与德遠尊全天下之三惟我 孝宗景崇秀即

卷乃象矣之懿繁茲開國之封敬莫其所尊愛其
所親今當推於宗老及也如疑往也如慕况密
護於欵儀每入臨於朝脯不曾避於塗潦能以
繼心之歲躬為復上之勤有司莫敢不哀行臨
為之感動語必流涕誓報平生之恩賞不踰時
律奉非常之典是慕紫微令之重以為大父行
之華仍衍爰田併室員食匪以爵而取貴恨無
官以酬公於戲隆尊席之榮益用祥符之故矣
第中書之考會考尚文之勳名以增師尹之嚴
以侈邦家之盛益緩壽嘏庸对寵光可

賜告口宣

有勅卿貴陰人爵尊襲王封親臨永阜之藏
寵冠中始之列是為殊渥尚體眷懷

賜郭師禹再辭免少師不允仍斷來

章批荅

省表具之卿世為懿戚任歷累朝惟孝宗

之恩每思所報故阜陵之役獨護其行人後

見闔門而養威今乃知任事而能辨位列三孤

之長封疏丘等之崇揚于大廷協彼公論何為

固避屢卻復未其亟受於寵章毋重陳於遜牘

口宣

有勅阜陵厄役摠使有行既竣事以來歸乃

疏恩而示宥其祗一札何事三辭

報謝使副林李及郭止已回程到闕

傳宣撫問并賜銀合茶菓口宣

元年正月一日

有勅卿等握節言旋登畿告至想風寒之區薄

念川陸之艱勤若劑室奩併加存撫

賜伯圭辭免兼中書令不允詔

勅具悉中書造命之地令公師長百僚清貴華

重古人謂之鳳凰池者也。國朝之制率以罷
異親矣然祥符天禧以迄久不除此官矣惟公
明德懿親貴重無二三公兩鎮何以加如爰率
曠典以資宗正既無兼管內樞之煩從得老成
典刑之重渙汗大号毋庸固辭執謙維勤礼唯
典徇

賜太府卿吳珽辭免換授正任觀察
使在京宮現不允詔

勅具悉卿生長咸開儒雅自將佳公子也名曹
繕監踐敬有年摠饒朱方寔陞卿列吳芳既久

竊以賜環廡車內祠用循故事非以為褒美也
春秋方富而才可用豈遂投閑致母事乎辭其
祇朕意

賜新除觀察使謝淵辭免不允詔
勅具悉卿以祖后至親往為使介風埃万里
不憚馳驅成礼而返褒陞可後康車之峻遂登
漫班毋庸控辭思所以稱此則善矣

賜知紹興府葉翥辭免除龍圖閣學
士不允詔

勅具悉 孝宗固山之後凜然懼不免奉大事

文昌老成尸茲東却遂委已以聽焉神明不哀
心計有餘酌酢萬變調度百出卒之礼成而無
缺典用足而節橫費朕心嘉之絕江不風入山
而雪有非鄉之力助進職隨圖始以示完朕之
所以待鄉者非止此也而又何辭焉

賜知樞密院事余瑞孔辭免攝太傅

持節導孝宗靈駕及奠謚冊謚

宝監掩攢官轉一官不允詔

勅具悉以者營圖東越襄奉阜陵鄉以本兵
之崇親臨後土之重往來俱順上下無譁塗潦

方深蹇：盡王臣之節顏色尤感染、有棘人
之風朕方爲孝思卓周大事既賴送終之助首
加進律之褒是所宜然無可辭者

賜郭師禹辭免備礼冊命宜允詔

勅具悉鄉以祗奉阜陵顯頒制綽陞孤鄉之
峻秩封異姓之真王冊命之儀朝廷當備控辭
甚力引義尤高雖俯徇於謙冲願豈忘於嘉歎

賜伯圭再辭免中書令不允批答

者表具之鄉以伯祖之尊上公之貴名位已隆
而無事任之累富貴已極而無為隘之虞壽考

康寧子孫蕃衍此於人間世尚何慕焉独惟
裂祖孝悌之至則友其兄朕追仰音容如在左
右古者思其人猶愛所憩之棠况我祖同氣
之親乎是以因使範之勞加寵數之重夫高允
之在魏子儀之在唐俱以令公名者豈惟爵秩
之崇蓋以德為貴也惟我父師尚何辭於此哉

口宣

有勅卿爵齒俱尊忠孝兼備茲授令公之秩實
為皇族之光毋復固辭亟宜祇命
右丞相趙汝愚特授銀青光祿大夫

加食邑實封制

門下聖人因親教愛益本於躬行大臣以道事
君莫先於協贊朕之道皇祖之訓刑四方之
風眷戒宗英相子孝理惟忠勞之備者繫命數
之宜加爰集具僚載申褒律具官具崇深而行
簡直諫而能容孝有淵源亮前至天人之蘊志
存節韻立本朝社稷之勲相業素高民瞻允屬
自擢登於右揆獨光輔於冲人於皇孝宗克
振炎祚朕既荷錦車之鍾愛遂詔於重現卿亦
蒙丹宸之異知寢基於大任惟推心而相勉念

圖報之允 唯三年之表 服勤敢忘 七月而葬 宣
力居多 因山為陵 得丘原之爽 塋稱天定 謚極
宝冊之鋪 張迺吉伏 以來歸奉 太官而班 附誠
信無悔 哀礼有餘 仰慰祀天之靈 實由同德之
助 是用超文 賔之峻 徑授三階 衍并賦之腴 幾
盈万戶 勉送遊牘 少屈恩綸 於戲明德 懿親既
居 金鉉黃耳之貴 勞謙終吉 僅登銀章 青綬之
聯 益成廉退之名 尚副倚毗之意 可

賜告口宣

有勅 卿祗奉 阜陵 爰加賞典 班既高於百辟

位 亦次於三公 其辭眷懷 亟祗成命

賜趙汝愚辭免不允詔

勅 具悉 卿輔朕初政 備宣忠力 茲奉 孝宗大
事 厥功茂焉 褒崇之典 所宜優異 正以卿素執
謙冲 避遠權勢 凡有進擢 辭避過礼 或至迫而
後受 故尤思所以 處卿者 初拜右揆 已授此官
还 以畀卿 是不為過 毋復牢辭 朕又不為反汗
也

皇伯師夔特授開府儀同三司加食
邑實封制

門下朕不庸室祚加厚皇支惟我祖之君万
邦既訖固山之礼頌天子之謂伯父實參置使
之行眷吉伏之言旋豈褒緡之可後視係宰臨
敷號廷紳具官某賦敏給之資擅温恭之膏分
左符而出鎮嘗專制閩之雄易奮務以歸班徑
擢齋旄之峻迨冲人之臨御進孤保以孤恩鳳
闕晨趨見朝儀之甚肅鯉庭日侍知家法之尤
嚴匪惟族姓之先允謂衣冠之盛比營東越崇
建阜陵願躬除道之勤往護成梁之後久安
聞燕退若無憑小試才能粲然可觀且加寵數
以答上勞公府擊開遂擬三師之貴珍臺兼領
併增千戶之封用修宗盟茲為使相於戲有是
父有是子俱膺華袞之榮拜於後拜於前克銘
緡衣之美勉圖休問以對殊私可

賜告口宣

有勅惟予伯父表我宗盟爰陞衮鉞之華已播
絲綸之寵其祗異數毋事謙辭

賜伯圭再辭免特授兼中書令加食
邑實封不允仍斷來章批荅

省表具之朕考因朝官制尤以中令為重親

矣如魏魯陳韓諸王為此官者僅六七人元豐
中曹侂以帝舅兼令有司謂無給俸之例則其
稀開又可知矣鄉為遠尊抑德彌節久虛之典
非鄉尚誰省之近命元子完兼袞鉞思礼之盛
華于一門邦之榮懷匪白予私辭之至三斯可
已矣

口宣

有勅鄉位極人臣德高帝舅爰拜中臺之長以
彰元老之尊寵命既頒謙辭勿再
賜宜州觀察使孫璫辭免 孝宗隨

滿散未表

伏以春律方中物生成遂演秘密琳琅之詔祝
壽康真翼之期已事而竣維天其右庶修子職
永奉親歡

賜皇伯祖伯圭辭免贊拜不名加食

邑實封不允詔

勅具悉天下有遠尊三爵一德一齒一而未及
言親也惟公德明爵齒俱尊而又以孝宗同氣
之親太上皇之伯父而朕之大父行也貴窮
人爵思所以尊異之非彜曠典不足以稱紫微

令公既以謙辭而不受朕其可遂已乎不若之
礼益自尚久保衡以來實朝廷之殊禮前朝嘗
以寵待親矣百有餘年無有可當此者壽以命
卿人無異詞尚形遜避朕不敢送邦之榮懷亦
非朕敢私也

進奉 皇太后生辰表詞

伏以尊居長樂方歌雅老之詩時屆芳春適啓
誕彌之節邦家均慶宮壺交欣中賀恭惟 壽
成皇太后殿下德合坤元心同天大贊 淳熙
之內治恭儉具享命匪質以嗣興恩私未報方

且游神澹泊玩志清虛益觀過曆之期生闔後
天之昇臣夙承大造獲奉慈顏含飴弄孫咸仰
姜任之盛戲綵為樂推祈冥翼之年

功德疏文

右伏以修蘭亭之禊事方樂春陽正栴殿之壽
觴仰尊 祖后 壽成皇太后殿下恭頌坐膺
多福日介脩齡國治家齊合三宮而同慶天長
地久見千載之太平

太陽交蝕祭告太社祝文

伏以季春立陽日食于朔側身脩行朕不敢怠

代鼓于社彙章具存尚仰羣陰以助陽德
陰雲不見祭讞祝文

伏以清臺獻占太陽當食引各自省方切兢兢
東方未稀陰雲布護實維神賜敢恃天休

皇帝

皇帝本命万寿观設醮青詞

伏以歲紀新元方履春陽之季日惟上巳適屆
我生之辰敢肅高真祇陳清供開純福之秘宇
炳長生之宝灯恭頌道蔭日增壽祺帝与奉重
門之養受福無疆均四表之欢配天其永

漏散朱表

伏以季春云始元命斯臨正當禋事之辰爰謹
靈科之演茲為成礼允矣垂慈冀益介於脩年
瘳永依於妙道

賜知樞密院事余端礼辞免兼参知

政事不允詔

勅具悉朕圖同治功方倚二三大臣以為重鄉
頃自参預進長樞廷宰席偶虛俾兼政地茲惟
故典亦今之宜非卿通才何以任此亟其承命
無事謙辞

賜新除規文疑大参士知福州趙汝

愚辭免不允詔二月二十四日

勅具悉卿以肺腑之戚為社稷之臣翊戴敢躬
輔相初政力足以任天下之重識足以斷衆忌
之疑倚毗方隆引去何速雖有謀者亦無異詞
遂釋台符往分帥闡極秘殿之殊寵實累朝
之旧章事君以忠卿既全出處之致退人以禮
朕當篤始終之恩尚冀告猶毋庸辭命
賜余端礼辭免權提各編修玉牒監
修国史日曆不允詔
勅具悉朕惟國家以史事為重典領之任必命

人臣宝牒之設盖古者書之於策之遺意日曆
則以事繫日浚之信史實基於此卿問季通博
攝行相事非卿其誰且司之成命已行毋庸多
遜

賜參知政事京鏗辭免權提各編修玉牒監
院編修国朝會要不允詔

勅具悉高皇帝中興之烈當遂特書累朝庶
政之規尤宜分類故實錄則取史遷之旧而會
要亦用唐室之餘爰命大臣職此二者卿素推
諒洽俾規纂修其躬率於諸儒以趣成於大典

茲為故事何心謙辭

賜宝文閣李士知遂寧府宇文价乞

始奉祠不允詔

勅具悉卿以文昌旧德往鎮蜀藩居外数年所

在稱治方此改成於大府正資臥護於遠民忽

騰論疾之章欲遂奉祠之請眷倚之重神明未

衰其訖外庸毋違朕志

賜提齊臨安府洞霄宮趙汝愚辭免

觀文殿大李士不允詔

勅具悉大臣進退之宜固知有義人主始終之

遇允當示恩矧惟宗工析解机政念忠勞之素

著曾倚注之未衰衰歎然賦歸若此勇决關山旧

鎮既避寵之湛堅書殿隆名豈陞華之可已諒

送寓里暫供貞祠其体眷懷毋為多遜

太上皇帝本命太一宮設醮青詞

伏以陽居大夏而主歲方欣長養之時予有天

下而歸尊仰祝壽康之笑曰當元命礼厚貞

科送飈馭之來臨肅仙班而就列伏願廣推道

蔭增介親年奉太上之玉卮重見威儀之盛

躋斯民於壽域益綿熙洽之期

滿散米表

伏以律應薰弦慶鍾慈康萃霞福星冠之衆演
琅函瓊笈之文茲告礼成仰祈神既庶自禱祠
之後獲修定省之恭

賜少保周必大再乞致仕依已降指

揮不允詔

勅具悉七十致仕雖著於礼經二三大臣難拘

於古制矧惟元老嘗冠中台周旋兩朝負荷

重事既于蕃於南國終退處於東山神明未衰

德望彌邵奉貢祠之香火自樂隱居掛神武之

衣冠胡為早計抗章再至陳義愈高履難徇於

紳懷尚少安於素履

賜宝文閣季士知太平州李嶽乞官

現不允詔

勅具悉卿老於文季久處禁林出守當塗日猷
報政胡為諗疾欲遂求閒朕方念典刑之旧望
屏翰之良卿豈不能辭此眷懷為斯民而少畜
乎

知樞密院事余端礼特授銀青光祿

大夫右丞相加食邑實封制四月

門下稽古建官莫重王^相朝之論^相代天理物必
資揆路之得矣朕臨御惟艰時^相治敢忘^相命紫
樞之長進居黃閣之崇^相迺輯廷紳誕敷制^相律具
官某溫恭而氣^相勁凝靜而謹^相明智周^相万事之原
孝貫九流之遠^相孝宗擢之於^相庶列^相必^相躋^相法^相從
之班聖父台之於^相留都^相遂^相處^相輔^相臣^相之^相任^相益^相殫^相忠
蓋力贊政幾迨予^相嗣^相歷^相之^相初^相尤^相藉^相同^相寅^相之^相助^相迭
掌東西之二^相府^相兼^相明^相文^相武^相之^相兩^相途^相內^相則^相密^相勿^相廟
論以慮四方外則^相整^相齊^相戎^相律^相以^相令^相諸^相將^相清^相規^相足
以^相範^相俗^相深^相謀^相足^相以^相濟^相時^相進^相退^相百^相官^相詳^相試^相知^相人^相之

鑒調娛衆務^相究^相規^相識^相治^相之^相才^相蔽^相自^相予^相衷^相與^相之^相困^相
秉用止^相鈞^相衡^相之^相寄^相毋^相勞^相夢^相卜^相之^相未^相超^相授^相文^相階^相增^相
陪井賦以示^相奮^相庸^相之^相選^相以^相昭^相注^相意^相之^相隆^相於^相戲^相夙^相
夜^相基^相命^相而^相卓^相厥^相心^相朕^相欲^相起^相太^相平^相之^相盛^相朝^相又^相納^相誨^相
以^相輔^相台^相德^相爾^相其^相繼^相良^相弼^相之^相名^相表^相止^相士^相風^相訪^相求^相民^相
瘼^相及^相閒^相暇^相而^相修^相政^相刑^相之^相要^相專^相變^相理^相以^相致^相陰^相陽^相之^相
和^相若^相服^相肱^相耳^相目^相之^相相^相頌^相將^相天^相地^相 祖^相宗^相之^相臨^相安^相
懋^相承^相明^相漢^相期^相底^相成^相功^相可^相

賜告口宣

有勅卿比領樞廷兼行相事茲延登於右揆已

誕布於明倫注意方深拜恩可後

賜余端禮辭免不允詔

勅具悉朕承付託之重思紹祖宗之大業志
勤道遠悠弘未艾置相之際其何敢輕寧槐位
之暫虛必疇咨而後授卿純明篤厚秉德不回
入從出藩望實兼著本與貳政三載于茲論事
有爭臣之風謀國得宰相之体其瞻彼屬顯拜
不疑惟今亦多故矣朕欲賴卿以濟書所謂若
濟巨川用汝作舟楫卿其以此自任副朕倚毗
万斛之載惟卿為宜而又何辭焉

賜新除知樞密院事京鐘辭免不允

詔

勅具悉朕惟聖人本畏多難而畏無難于今雅
曰邊鄙不寧而宥密之司正當為不虞之備無
兢維人朕於是注意焉卿以慷慨宏遠之資有
志事功立節於殊鄰宣威於全蜀纂紹之始一
見而決擢忒樞筦風采凜然与政未幾復為之
長迹若序進實繇德選當仁無遊其又何辭

賜新除參知政事鄭僑辭免不允詔

勅具悉朕以寡昧嗣無疆大歷服惟二三大臣

是賴凡今日德望在人為國家用皆兩朝選擢當以遺朕者也卿周旋從班雅有公輔之冠登之樞筦人以為晚預豈以日月為功乎恭預政途貪言為乞宜遂佐朕宏濟多艰引避抗章非朕所望

賜新除端明殿學士張書樞密院事謝深甫辭免不允詔

勅具悉卿始以縣大夫奏事孝宗一見以為有唐人風親擢再三如恐不及上皇用卿於諫省試卿於天府而登之從班朕蒙承輟株

陵之行而真風憲之長進讀金華引以自近用卿之意久矣寃加書殿升式幾廷卿豈未知朕意耶何避寵之力也亟其祇命毋用費辭

賜新除樞密院學士張栻椿辭免不

允詔

勅具悉卿出入朝列敬歷最深凡今要途多出卿後文昌入座乃爾世官端粹亮直之資視名父以無愧臺緇諫省久矣矣勞進長夏官朕命惟乞徃其率職何事謙辭

賜余端礼再辭免右丞相不允批荅

省表具之君臣相達謂之千載上下協濟本乎
一心必能知風雲之後斯可不膠漆而固惟卿
朴厚副朕倚毗雖累年務罄於論思而近歲尤
殫於忠力眷政府樞廷之更踐知文事武備之
該通係圖老成宜置左在試之已久斷然不疑
惟昔宗盟嘗居冢宰之任若時卿袞亦應拓漢
之祥尚期遠迈於前人相與共興於大業朕所
望者卿何辭焉

口宣

有勅卿比握兵机實專政柄乃徑登於次相仍

累進於崇階其服寇尤勿為多遜

賜京鐘再辭免知樞密院事不允仍

斷來章批荅

省表具之朕惟本兵之司有國所重必得樞机
周密乃可圖功自非智略縱橫何以稱職卿之
能事朕所素知分制闡則推師帥之良登政途則
著輔弼之望威名日起遐通具瞻其勵壯猷益
運幄中之美坐銷外侮以收堂上之奇宜已需
章毋啻朕命

口宣

有勅卿資兼之武望濟華夷車東府之大臣長
西樞之重任明倫已播避牘毋煩

賜鄭僑再辭免參知政事不允仍斷

來章批答

省表具之脛修明度政務興起於事功圖任旧
人力而揚於命告卿行為世表文擅國華瓊閣
銓部則著忠蹇之名侯藩帝第則備恩威之美
再係禁踪增重朝行既擢貳於本兵茲進參於
駸駸其休責成之重毋為避寵之煩

口宣

有勅卿權在樞廷久隆人望茲進參於大政庶
益重於本朝荐負忱辭亟祇明命

賜謝深甫再辭免簽書樞密院事不

允仍斷來章批答

省表具之朕惟九五正位每切圖安二三大臣
所當遴擇乃眷幾廷之貳必求禁橐之英卿外
寬而內明氣和而才卽允一時請切之選以數
載周旋其間封驗之嚴屢回主意擘彈之勁益
振臺綱勸誦以來陳謨尤切茲津頴於一札俾
參掌於五兵出命惟行抗章可已

口宣

有勅卿備歷華途寢高雅望茲自憲臺之長入
參樞筦之嚴朕命既孚卿辭毋費
賜余瑞札再辭免右丞相不允仍斷
省表具之商宗之命傳說也爰立之初訓告具
存惟說以天下自任祇若休命不敢辭也朕之
論相則又詳矣大号揚廷與眾共之需章之來
既已百却而猶未已何耶朕之菲涼有賴啓沃
或克欽承卿其可使古人專美于前乎三命而

倭其可已矣

口宣

有勅朕妙選儒英俾登揆路欲專裁於庶務顧何
事於三辭唯徇勞謙亟祇成命

賜權兵部尚書張叔椿辭免兼侍講
不允詔

勅具悉惟卿先正以經術侍 孝宗於潛藩逮
居文昌寶兼霽門卿立朝不阿繼有文風聽履
之初仍命進讀地薦紳美談也何辭之有

太一宮祝延 太上皇帝聖壽設醮

伏以嗣膺大宝日深淵各之虞密侍慈闈頌致
岡陵之祝演真科於秘殿招寐土於名山列洪
高靈普及三千之衆仰祈睿弄延延億萬之年
敢罄忱衷庶承道蔭冬温夏靖早修問寢之儀
地久天長欣見奉卮之樂

滿散未表

伏以為天下君敢以位而為樂奉

上皇壽惟

事親而解憂茲藏琅函未臨室馭訖成盛礼仰
冀蕃禱頌益延父母之年庶克備孝慈之道

賜右丞相余端礼辞免權提弄編脩
玉牒实录院編修因朝會要不允
詔

勅具悉史冊之成欲傳於万世國家所重莫盛
於三書大事則續為鏤玉之編中興則未就汗
青之簡况舉細而撮要欲踵事以增華且有宗
工併修錫典卿等兼千壽未决四司既進秉於
鈞衡使尽膏於筆削完者揆而熙帝載惟乃之
休摠衆職而稱上心非御孰可

賜參知政事鄭僑辞免權監修國史

日曆不允詔

勅具悉朕惟史事至重功用浩博惟以事繫日
謹而書之則後之信史於此乎取分命諸儒而
領以大匡國家之令典也卿以儒英出入冊府
有年矣茲參天政命摠宏摹良史之才加之季
識公諒所屬尚何辭焉

賜銀合夏稟勅書

荆湖南路安撫使王蘭

勅某卿嘗位元樞繼臨南楚爰錫珍芳之劑用
清暑愠之祥將以宝奩賁于師闡

四川安撫制置使趙彥逾

勅某卿不辭叱馭諒已間藩爰加珍劑之頒仍
賁宝奩之賜用示恩於宗老期解愠於吾民

侍衛馬軍都虞候張師頤

勅某卿總提騎將往駐金陵當溽暑之在辰出
珍芳而分賚尚緩衆士如濯清風

御前諸軍都統制閻世雄張詔趙

欵劉忠劉震田世輔

勅某等汝分戍介藩撫安戎壘出上方之涼劑
分內府之珍奩坐覓生風諒欣承命

御前諸軍副都統制馮湛張國珍

李世廣王宗廉王知新田臯

勅其等汝分提禁旅密贊戎和乃馳賜於珍芳
冀遠清於蒸鬱時惟茲解盪可以忘勞

皇帝本命萬壽觀設醮青詞

伏以玉律正持層端陽之伊迺清臺課曆逢元
命之斯臨開萬壽之殊庭演三天之秘蘊仰祈
道蔭加佑冲人裨益价於脩齡用克承於鴻祚

滿散朱表

伏以黷寶紀月方適高明之居徒福陳儀仰祈

賜鑾之荅蘭瑤旣飭飈馭來臨願垂覆露之仁
式燕簡穰之祉

孝宗皇帝小祥奏告

永阜陵攢官

表詞

伏以念茲 皇祖遽驚 新穀之升 瞻彼 阜陵
深切高山之仰 恭惟 尊號皇帝 恢宏帝業 里
裕孫謀 茲當 祥練之初 敢後馨香之薦 馳誠惟
謹 墮涕無從

賜戶部侍郎表說友辭免兼侍講不

允詔

勅具悉卿性資閎敏儒術該通雖當主計之繁
每切愛君之念方御圖去始首闢疑惟而建議
獨先能發朕意前所陳請旋已施行近因獻納
之餘復上課程之奏深嘉忠盡俾與講明惟謹
論之是求何需章之為遜亟就迎莫之列以裨
典考之勤

賜新除吏部侍郎林大中辭免不允

詔五月十一日

勅具悉卿天資鯁挺論事不回比以久居臺端
慈皇蓋嘗命以小宰之職矣去為劇郡召歸近

班既殫批勅之勤庸昇典銓之任踐敷惟日選
用匪輕清吾文部以助官人之能不亦休茲避
寵乞間非朕所望

擬進郊祀

御禮 紹興五年

朕祇膺慈訓嗣守洪圖仰天地之儲休以綏四
海賴祖宗之垂裕寢歷六年欲消長至之辰
載舉親郊之禮膏澤可占於農扈信盟久締於
鄰歡訖可小康敢忘昭報率由典故無事虛文
上萬壽於重親式嚴孝治均蕃釐於兆姓匪
卿朕躬按令甲以陳儀翦先庭而申命朕以今

年十一月祇事于南郊播告中外之臣咸謹敷
奔之職其飭角事毋愆于儀故為祀亦想宜知
悉

擬立皇子嘉王皇太子制

門下朕祇若大猷紹休列聖念承祧之重允
屬於元良惟主器之嚴莫如於長子仰稽古制
詳考旧章匪予一人之私繫爾四海之望誕揚
明黜數告大廷皇子其位其夙重謙恭動循傳
法生長帝王之胄用發詩禮之經迄予鑽承勉
爾諭教宏開藩邸亮之茅土之封妙選英吳為

之翊翼之助而能眠勤講貫尚論古先閱義理
以滋多屏驕奢而不顧朕惟儲貳不可以曠位
因本宜先於正名其後未即之尊入處青宮之
重於處立嫡以長所以錦宗祖之休為予得人
所以繫臣民之望云云可

擬進登極赦文 詔熙五年七月五日

門下朕共為子職日守宗藩烈祖上賓曾未
縲服 聖父違緣幾不勝喪屬上意之倦勤屢
思退託蒙 太皇之出令遽命纂承眇茲冲人
膺此大器驚惶失次踴泣固辭謂二百年社稷

之傳豈容抗遜惟億兆人詠歌之戴以已屬心
仰有體於慈謨俯唯違於衆志祗承不祚以
方方自惟寡昧之資深思付託之重析天永命
用綿萬鼎之休發政施仁首播風雷之號可大
赦天下云於戲奉三無以勞天下敢懷以位為
樂之心歟五福而錫庶民益布与物惟新之譯
團間逖遐之衆咸瞻曠蕩之恩

改魏先生文集卷第四十三終

改魏先生文集卷第四十四

鑰大防

內制開禧三年十二月翰林學士知制誥

賜右丞相錢象祖褒語 十二月二十四日

朕更化之初論相為急注意已久無踰卿者大
臣義當体國勿為牢辭往哉汝諧毋替朕命

劄子附

臣獲望清光仰蒙 圣慈開納芻蕘之言不勝
千載之幸再被宣旨令授右丞相錢某稟語進
上竊思刷麻已宣無可辭之理臣退方供職所

有答詔章良能已撰述且謹撰褒語進呈更
合取自聖裁

賜禮部尚書史彌遠乞待闕州郡差
遣不允詔

勅具悉卿世傳忠孝資稟粹純謹厚自將而有
仁者之勇深沉不露乃先天下之憂密贊元良
與決大事朕心契合威柄復回不待崇朝之間
遂正權臣之罪攻奮身而不顧幾無官而可酌
力辭樞筦之除尤嘉靜退進陟儀曹之長少亦
褒遷矧送四皓之游遽欲一麾而去非介推之

不及胡欲耕縣上之田若子思之弗安豈無之
人
繆公之側其安位著庸副春懷

賜新除吏部侍郎兼太子左庶子婁
抗辭免不允

勅具悉天官二編之司有資銓綜春宮中護之
職尤道選掄卿性稟深淳才猷挺特以天下士
從吾見游頃尋里社之間久樂祠庭之適茲方
更化首遂建儲思得老成之人以重元良之輔
亟頒石節重土從班毋庸固辭式副虛佇

賜新除開府儀同三司充萬壽觀使

楊次山辭免不允詔

勅具悉朕維新庶政豫建儲闈屬時戚開之矣
久安均逸進視鼎司之貴豈曰示私卿素迪忠
勤居懷靜退謹容儀而就列允為耆艾之英養
威重以闔門允服滿盈之戒速茲播告曾靡異
辭覽巽贖之亟陳頌謙懷之難徇其祇成命毋
拂予衷

賜新除右丞相兼樞密使錢象祖

辭免不允批荅

名表具之誤之亟相無所不統孝宗正名委

任深重朕更化善治注意尤精以卿忠孝之家
台輔之望踐敷中外多歷年所適者再預政机
能斷固論去凶奪吳人望愈歸播告廷紳士夫
至於相賀何嫌何疑因辭不已矧是邊陲之未
靖允資右府之壯猷正命而倭抗謙甚矣朕志
已定決無及汗之理卿其自任天下之重稱朕
意焉

有勅卿兼文武之資体家國之重既已頒於制
綽何尚執於謹詞毋違朕言亟正台席

賜新除參知政事衛涇再辭免不允
仍斷未章批荅

省表具之股更化之初惟二三大臣是賴以歸
綸魁之身密在廷聽贊決廟謨擢升狹坐事界
洪樞之任仍參駿嘏之嚴茲為正名以贊台揆
內則百度之欲治外則三邊之未寧此為何時
而執故典其體責成之意勿為遜避之煩

口宣

有勅卿近以拒廷遂參政地茲為錫命止用正
名尚禪當軸之謀無執循墻之謹

賜新除參知政事雷孝反再辭免不

仍斷未章批荅

省表具之股躬覽萬機與民更始欲解琴瑟之
旧况藉股肱之良卿久矣斐英若烏難進比屢
代言之在實懷憤世之心願同寧謀卒殄元惡
擢居瑣闥遂長憲臺欲新億兆之規瞻尤急二
三之輔弼其祇予命亟贊政幾因事匪輕謙辭
可略

有勅卿由中執法為吾大臣正資經世之敵以

賀濟時之相服志先定卿辭勿煩

賜新除端明殿學士簽書樞密院事

林大中再辭免不允仍斷來章批

各

者表具之卿養氣以剛秉心無競出藩入從榮
利澹然久安燕居不容何病服一新治具急欲
求老成典刑以鎮服中外起旧德於重車之後
还人望於特索之班矢謨眼前尤先克壯堅升
書殿進貳省庭人無異碎因以增重時則可矣
尚何遜焉

宣

有勅卿禁班老成人望又屬擢實幾庭之式正

資兵本之謀尚復奚辭往其祗服

賜新除同知樞密院事兼太子賓客

史彌遠辭免不允詔

勅具悉朕思光正位極師臣佐烈祖以格天

勲實存於社稷如西平之有子業克紹於箕裘

卿父教之忠世濟其美立朝寢久文詞俱見其

家傳遇事敢為友旧不知其瞻略警尔謀猷之

告贊予父子之間履虎不疑抵龜而决即欲賓

紫樞宥盛之任仍俾居青宮賓友之職人以為
遲事唯曲徇需章雖切朕意莫回三世本兵豈
特為衣冠之盛四方傳命亦足示朝廷之尊勿
復重陳亟祗成渙

賜新除權兵部尚書兼侍讀倪思辭

免不允詔

勅具悉朕惟姦臣竊權上下蒙蔽導諛敵佞習
必成風卿至朕前獨效忠謹誼氣足以激頽俗
英詞足以發壯懷鳳鳴朝陽何足以喻迨茲更
化可後趣歸來對便朝言議益偉武部之長露

門之讀姑引卿以自近耳往其承命毋執卑辭

賜新除禮部侍郎兼侍講章良能辭

免不允詔

勅具悉卿夙富青箱之學素居紫橐之班兼直
北門典司東觀朕惟親軍旅之務非待以詞翰
之臣儀曹既俾於多真經帙仍資於勸講爰總
夷夔之任實親禘馬之矣僉謂汝諧卿母多遜

賜楊次山再辭免開府儀同三司不

允批荅

省表具之朕爰惜名器惟矣是予由掌武之官

而視儀按路品秩益崇其可輕昇卿以肺腑之
親服在爵位靖共自飭廉介有餘爰示優恩用
孚至意而又何辭焉母復重陳亟宜就列

口宣

有勅卿照芳楸振均逸琳宮爰開公府之華實
視台躔之貴其祗茂渥母事牢辭

賜右武大夫文州刺史知閣門事楊

谷辭免除觀察使不允詔

勅具悉晉惟敗貴當昭示於至公恩以及親
優加於彝典卿起由戚睨列在朝紳入儀賓閣

之司婦服家庭之訓克存孝謹不見驕盈爰稽
閱歲之勞超進規風之秩需章未上幾不自勝
渙汗既頒固難曲徇其益堅於素履庶長保於
令猷

賜右武郎知閣門事楊石_谷辭免除現

察使不允詔

勅具悉名器至嚴豈容於輕授恩榮加厚遂越
於常規卿毓秀后家通班朝路素有美芳之訓
密參賓贊之司居存忠勤深避權勢爰攷踐敬
之旧躡升廉問之華成命既行固難及汗遂辭

來諭尤見益恭其体至懷以永終譽

改嘉定元年詔 二十日

勅門下朕嗣承大統勤抚庶邦更星純紀之一周
見曆元之二易頻年相繼寰宇多虞邊釁遽開
願生靈之何罪蟲蝗為孽与旱潦以相仍皆權
臣謀國之致斯在菲質應天之敢慢今則典刑
已正綱紀益張乃圉止月之和適際三湯之泰
誕揚大號直告多方取商宗嘉靖之言暨周王
者定之義用光嗣歲式迓休祥庶幾叶氣之來
太平可望行見方民之集得所為期衍丕祚於

無疆与斯人而更始其以明年為嘉定元年

改元奏告祝文

天地景靈宮天慶現報思先孝觀

伏以祗奉洪圖寔逾周紀層時多故欲開嗣歲
之祥乃選嘉名用冠新元之首敢伸昭告祈介
宏休

宗廟 諸陵

伏以承襲列全之休方深夕惕紀新元之號式
介春祺開景運之亨嘉期武功之睿定仰惟敷
佑敢不欽承

太社太稷

伏以為國家者尤謹於紀年有社稷焉敢稽於
歲事仰冀神靈之佑庶開嘉定之期肇易美名
爰伸昭告

太一宮

伏以國之大事莫重改元天之尊神嚴當昭告
願介亨嘉之會遂成耆定之功益昇多祥以興
嗣歲

諸度攢宮表文

伏以祗奉洪圖宸翰周紀屬時多故欲開嗣歲

之祥乃選美名用冠新元之首取旁宗嘉靖之
肯睇武王耆定之功仰冀孚休敢伸虔告

賜史彌遠褒語

卿善謀能斷克清元惡貞國家之室臣公師之
矣嗣樞庭儲家食日汝諧朕志不移固辭可已

賜兵部尚書倪思辭免兼脩國史兼

實錄院脩換不允詔

勅具悉國之大典尤貴於擇人史之良才當先
於求曰卿蚤嘗再入素擅三長孝宗擢之著
作之庭先帝處以獻納之任皆參筆削具在

簡編茲當更化之初方以得矣為喜式寶班馬
之辭追配商周之書允謂汝諧尚何多遜

賜禮部侍郎章良能辭免改兼脩玉

牒官不允詔

勅具悉古者大事書之於策玉牒之所由起也
唐始建官而未若本朝之重寫之精練度之
邃殿它書莫嚴焉以卿比司記注起居史館是
用任以大事之筆凡例昭然具有書法剪煩撮
要作宋一經以詔來世方以此望卿而又何
辭

賜吏部侍郎婁機辭免兼太子詹事

不允詔

勅具悉召還紫橐固有賴於吏銓肇建青宮允
遴求於瑞尸卿性姿凝遠閑享老成久為寶善
之寮實謂甘泉之旧雍容引去怡然自如屬茲
更化之初矧復建儲之重載煩哲艾以輔元良
毋庸固辭服我休命

賜端明殿學士四川宣撫副使安丙

乞宮規不允詔

勅具悉卿沈毅善謀尤長將略內鉅巨姦外禦

建敵履天下之至難為全蜀之司命虜實畏卿
如所謂祭北門祭西門者然彼之枝亦劣矣乃
曉西顧嘉歎不忘方竹書殿之班以重闔外之
寄胡為引疾願解印章朕方賴卿以當一面矣
於長城遠矣卿其身任保鄣之責以抒朕意
賜京西湖南北路宣抚使宇文紹節
辭免除室謨閣學士不允詔

勅具悉入陪經幄外暢玉靈既物望之愈隆豈
泉章之可沒卿受才挺特抗志崇淡不惟誓報
於國恩尤欲仰追於祖烈宣威邊徼遂寬北顧

之憂寓直文謨益峻西清之職尚殫忠藎嗣有
寵嘉毋事卑辭亟祗新渥

西臺文輝經筵進講毛詩終篇宣答詞
宰執赴聽講致詞謝

有制朕臨御今十五載講詩終三百篇卿等同
觀朕心惟懌尚其協贊助我緝熙

侍讀侍講官奏賀

有制朕日勤三接共講四詩既徹篇章實資問
孝深賴主文之諫載嘉歸美之勤

宰執率經筵侍立官再奏賀

有制朕積朝夕之勤終雅頌之業究觀六義用
蔽一言尚冀輸忠毋忘進戒

賜新除宣謨閣直學士李寅仲辭免
召赴行在不允詔

勅具悉朕志於有為心不忘遠矧惟藉橐之旧
具宣藩翰之勞既頒優息仍趣歸覲卿素全忠
孝備著事功豈惟勁草之知實障狂瀾之倒峻
西清之職未稱眷懷望東海之來方深渴想尚
騰遊牘未就鋒車式邁其驅勿重有請

閏四月初起居諸
帝后表詞

諸帝旦表

伏為積分成閏適當孟夏之餘告廟有儀敢飭
先王之典恭惟謚號皇帝德參高厚仁及草
戎仰賴在天之靈益縣奕世之慶式供嘉薦用
妥威神

諸后旦表

伏為元年建巳閏月定時既當視朝之初爰謹
奉先之禮恭惟謚號皇后坤隆厚載母嗣微
音慨莫望於声容尚永縣於慶美式修孝敬敢
薦馨香

諸帝望表

伏為閏以正時方謹居門之禮月惟既望敢修
朝廟之儀恭惟 謚號皇帝澤寰羣黎慶餘百
世望僊游而雖邀席丕祚於無疆爰薦孝思用
循彝典

諸后望表

伏為四月維夏閏式紀於歸餘 先后在天禮
用陳於改望恭惟 謚號皇后母儀如在神御
即安永陪衣冠之游用緜宗社之慶奉承思孝
奠薦惟馨

漳

戒飭貪吏詔

嘉定元年三月

曹

勅門下朕臨御以來仰遵 累朝恭儉之規非

食卑宮靡敢怠違庶幾躬行以移風俗而志勤

道遠觀感未孚况以姦宰弄權放相同惡上下

交利賄賂公行賊吏債師益無忌憚監司為吾

澄按之官郡守受吾民社之寄至相倣效貪婪

無厭久恃苞苴狼藉已甚席卷帑藏或盈鉅萬

郡縣經費耗索幾尽軍民衣食惟剝無餘積弊

有年雖悔何及大臣蓋蓋不飭殆弗容遷就而

為之諱也朕方厉精庶政与民更始申加訓飭

以警有位繼自今各務精白一心以承至意其
有並祿公家以濟其私尚為故態必罰無赦至如
互送無益屢刑切責遐方猶習曾不少悛並
當禁戢或徹聽聞考驗有迹皆以賦生嗚呼紘
莫追於既往法欲勵於將來宜存素絲之思毋
蹈覆車之轍使人知自愛固或敢干冀民力之
少蘇期士風之益媣股意厚矣尚其戒然上
賜禮部侍郎章良能乞宮硯不允詔
勅具悉卿以該洽通敏之才游直禁亦既三
載身兼數益宣勞翰墨之間夥矣更化之朕初

大述作多出卿手方有賴於論思之助遽欲以
圖青求退非所樂聞也卿雖欲奉身而去使朕
幾似於棄才者可乎其安厥位勿重有請

戒飭四川將士詔 四月九日

勅門下朕端居法官概念蜀道敢泄邇而志遠
廣一視以同仁自教將之既誅与斯人而更始
已講休兵之策冀臻徹戎之期惟是師徒屢更
征役暴露久矣夙霄傷烏每咨督餉之臣仍飭
列屯之帥究心調度加意撫循然而養兵於無
事之時在國家而靡吝效命於多虞之日乃吏

士之庸為僮饋運之或愆及勤勞之弗恤固享
朕志豈道官常凡而在行亦宜深体其有徂於
姑息不知紀律之遵妄肆諠譁幾失等威之辨
流傳易惑罔繫匪輕爰頒一札十行之書用嚴
三令五申之制各思戒儆毋抵憲章

賜新除現文殿李士趙彥逾再辭免
不得再有陳請詔

勅具悉朕更化之始登用矣才宗克典刑無如
卿者罔勞以官職之事雍容進讀以冀日新之
益進班延恩少示眷意一辭贛矣况於再乎自

其康疆謀猶克壯少親醫藥毋復重陳勉為朕
當以繫人望

賜侍讀趙彥逾倪思宇文紹節侍講
章良能辭免進講毛詩終篇轉一

官不允詔

勅具悉朕日御通英講明經理三五百五詩至是
終篇叙進官聯厥有故典卿為宗老倪思章良能云
詔節云卿實助緝熙母事固辭益恩所以輔朕之

不逮

賜新除刑部侍郎曾曠辭免不允詔

勅具悉朕更新治化欽恤刑章遴選貳卿久令攝事以卿性資直諫器度寬洪承東魯之儒風襲南豐之家孝比安閒外使來歸入對便朝喜聞正論刑惟弼教方有望於老成德本好生省務先於明恕亟祇隆委勿事牢辭

賜吏部侍郎梁李執乞官現不允詔

勅具悉惟卿先正受知高皇既登聽履之班尤多沃國之計是宜有子為予從臣此更民曹浩穰之司又歷銓部公方之選胡為引疾乃欲求閒而安厥官以副眷倚之意

賜刑部侍郎曹暎辭免兼同修國史

兼吏部院同修撰不允詔

勅具悉昔在先世嘗繼列於史官而為近臣亦荐司於直軍間居自遠更化惟新召還獻納之職兼界纂修之期豈特助成於國典抑特大振於家聲明命既頒遜詞可略
洞霄宮經山天目山龍井祈雨祀文
伏以國方多事所願年豐春夏以來甘澤未足種不入土遺蝗已繁當守興思旱氣世廣近雅得雨猶未霑然遣官禱祠齊心以俟庶祈響蒼

三日為霖大慰九農敢忘神報

故皇子肅王均興靈前又勅祭

文

嗚呼哀哉頃欣嬪御得此誕育睟盤將設何去
之速情之所鍾念 輦感苗而不秀無乃太促
一奠寓哀往從出卜

成肅皇后小祥奏告 永阜陵攢宮

香表詞

伏以 祖后上賓尚想含飴之愛歲華遽易忽
驚鑽燧之期遙瞻 陵寢之嚴倍切音容之感

期已久矣儼追慕以如新練而慨然頌加隆而
敢怠肅陳室炷用表哀誠

賜福州觀察使鎮江府駐劄御前諸
軍都統制兼知揚州軍再遇乞奉

回不允詔

勅具悉收守之良方圖久任將帥之重尤戒迭
更惟卿沈鷺之資奉勇自奮身經數戰最多汗
馬之勞賞不踰時丞上廉車之峻領京口戎旃
之寄鎮淮堰制閩之雄深明保障之圖日講
屯之策流民寢復信使始通南臻按堵之期遽

上奉祠之請其安尔位以託升庸

雨澤愆期奏告祝文青詞

天地十神太一九宮貴神嶽鎮海

瀆

伏以旱魃為災間有不免在於今歲利害尤深
疆場甫寧流徙未復中外空匱正望有秋屬茲
常暘種或未入苟夫歲事何以有邦頌慙亦涼
久蒙敷佑高高在上皇地祇之俯鑒哀祈三日為
霖庶以沃國側身引慝恭俟嘉應

宗廟 別廟

伏以時方常暘憂懼實甚種未入土何望救成
間有一雨未能霑足齋心致禱靡神不宗在天
之靈願垂矜憫有請于帝救此下民沛為膏澤
偏及遐邇迄用康年以壽國祚

太社太稷兩師雷師夙師

伏以社稷與君以民為重民之司命以食為天
時方多艱仰望一稔久矣不雨一雨復霽傾心
禱祈願垂嘉答廣布甘澤普濟羣生報以秋冬
其敢不飭

天慶現報恩光孝觀青詞

伏以民生甚困正有望於秋成旱魃為妖庸仰
祈於帝力欽惟道祖實祐我家沛甘雨於多稼
之時禱凶年於大兵之後使農夫之有慶庶因
計之小康

賜

皇太子某辭免每過視事令侍

立宰執赴資善堂會議不允詔

回

二月二十

勅具悉朕惟古者立國必建儲闈共為子職實
資主器之重惟子元子篤意問孝年未及冠綽
如成人朕欲俾爾習知國家之務侍立吾左與

聞政事師賓會議皆吾大臣朕方一新法辭兼
听公言而當周旋其間日增聞見以成溫文之
德尚其勉旃毋事多遜

賜回川宣撫副使安丙再辭免資政

殿學士不允不得再有陳請詔

勅具悉朕更化以來愛惜名器未嘗輕以假人
其有度越拘攣超資錄而授者非如卿之雋功
茂績不予也書殿升華以所以待執政者待卿
其內兵民外饒邊備旣使全蜀之境莫執無虞
以稱朕委任之意以保而功名之成可笑朕我

休命母為固辭

賜皇太子再辭免侍立會議不允批

答

省表其之近頒中詔命元子以侍朝仍諭大臣
集東宮而會議是為令典非用前規顧予教而
以義方俾而與聞於政理躬臨五季既親賓友
以交修密按九重具見君臣文相與而能進德
取自忘疲何以辭為再斯可矣

口宣

有勅而為元子年近成人俾入侍於明朝且預

聞於幾務勉親多益母事牢辭

不雨求言詔二十六日

勅門下朕惟祖宗傳祚之重祇懼靡違而自
去歲以來蝗蝻為災久既無雪春久不雨以至
于今陂澤揚塵種未入土夏且至矣祈禱不應
間有霖霖未能通濟天災流行固亦有之在
於今茲閔繫實重邇鄙甫定流徙未復漕運不至
糴價日增苟失歲事何以保邦朕於宮中齋心
致禱又將躬謁于靈神且飭臣鄰廣求民瘼六
官帥漕各令條具可以慰安人心消解天變者

矣載惟雲漢之詩齋神不奪麻爰斯牲祈年孔
夙方社不莫止祈於天以及父母先祖不見責
躬之言蓋宣王謂周家祈禳之典既已備奉而
旱既太甚是必在戎有以得罪於天其遇災而
懼側身俯行之意藹然見於言外朕心慕焉因
知大軍之後必有凶年不敢以此自解也傳不
云乎屋漏在上知之在下人若不能自知其播
告中外凡朕躬之不逮朝政之闕失與夫田里
懇嗟之由軍民疾苦之狀盡言無隱朕將採而
用之庶幾以實應天冀消災沴以迄康年無小

無大惟既乃心稱朕意焉

賜皇伯嗣秀王師揆生日詔五月十者

勅以薰風南來當朱明之方半望舒東出慶伯
父之始生是曰宗英直膺天壽迺頌惟旧寵教
益新

賜新除吏部侍郎章良能辭免不允

詔

勅具悉卿以剛勁之資濟以博洽之序為吾朝
臣仍兼數器其在係曹事有不可者堅執不移
朕所歎嘉進式天官其以處係曹者處之擬吏

數明餘法、庶使無失、愚同、滯之、曉何為、因、辭、更、
款、求、去、非、所、望、也、

賜銀合夏彙勅書

知潼川府費士寅

勅以卿旧居兩社出撫東川、後帝輕裘遠著、藩、
維之、教、室、奩、珍、劑、往、寬、炭、鬱、之、煩、益、謹、節、宣、以、
緩、寵、渥、

四川軍撫使安丙

勅以卿仕職執政、職佐宣威、蜀道等邊、想帥垣、
之、多、暇、暑、風、屆、候、持、琬、劑、以、分、頒、宜、惟、清、退、儆、

之塵抑以解吾民之愠

江淮制置大使丘宙

勅某卿恩視政塗任分制、閩炎威將、感念戎幕、
之、上、勞、靈、劑、匪、頒、均、尚、方、之、珍、品、庸、昭、渙、渥、以、
滌、歎、煩、

四川安撫制置使兼知成都府吳

玠

勅某卿富直從班、鎮臨制閩、增雪山之重、念撫、
御之良勞、當南風之薰、冀節宣之無爽、爰頒珍、
劑、庸、示、優、息、

京西湖南北路宣撫使宇文紹節
勅其名在經緯威宣將闡上疏增重念祥暑之
言勞良劑匪頒助薰風之清穆其均此賜以慰
彼民

殿前副都指揮使兼江淮制置使

趙淳

勅某卿職領殿巖任隆制閭屬風埃之甫定當
溽暑之復臨爰錫珍奩用將室劑坐消煩鬱仍
助節宣

侍衛步軍都虞候指置防捍江面

王虞久

勅山東領衛兵出臨天塹壘多暇濤波壁不驚
屬當炎暑之隆宜厚珍芳之錫尚承殊渥以詔
煩襟

侍衛馬軍行司權管幹本軍馬職

張良顯

勅某肅提精騎分駐當都當溽暑之復臨屬氣
埃之甫定爰頒珍劑用滌煩襟益謹節宣以圖
緩靖

御前請軍都統制李郁昇再遇秦

世輔王大人彭軫

勅以等肅提戎律後請邊陲當得暑之寢臨屬
風埃之育定永懷芳勳宜助節宣爰昇玲芳以
鎮煩鬱

御前諸軍副都統制周整莊松何
汝霖刘元鼎魏友詠薛几齡王

鉞

勅以等協佐戎旻克勤軍務撫師徒而整暇當
炎暑之編隆緘宝劑以頒即御營而加勞

賜新除侍衛步軍副都指揮使夏震

辭免不允詔

勅具悉卿赤心濟國忠勇自將久擢殿嚴尤見
勞效步旅謀帥卿實宜之其為吾協和三軍訓
之以義密衛行闕以折遐衝胡為因辭其服休
命

賜開府儀同三司楊次山生日詔朕

二十
三

勅某卿志樂燕閒躬持廉靖時嘗初度宜介多
祥是為感開之華爰厚尚方之錫

政媿先生文集卷第四十四終

元皇太子文惠太子孫也十四

年薨于東宮年十九

時年十九薨于東宮年十九

時年十九薨于東宮

時年十九薨于東宮

時年十九薨于東宮

時年十九薨于東宮

時年十九薨于東宮

時年十九薨于東宮



